



秋錦山房集卷三

古今體詩 共一百廿三首

官馬行

北方高涼多種麥麥若不登農絕食何爲卻種官路側  
日操豚蹄祝南岡馬來但趨路中央錫我歲入如茨梁  
嗟爾何愚抑何瀆馬不食麥天雨粟不若持竿事驅逐  
錦衣使者來如雲駸駸歟忽數十羣老農哀呼馬不聞  
朝田青青暮荒土縣符催輸猛於虎田家明年祀馬祖  
曉發大柳驛同汪使君

山鐘警客眠數騎燈前發朝雅散前林人語出叢樾浮  
雲穿一隅雨脚喜初歇隱隱山扉開冉冉蘭苗滑身行





翠微裏躋攀幾超忽徑轉得清陰垂楊綠於髮便擬息  
塵鞅留醉烟霞窟却怪汪農部王程太倉卒

清流關

醉翁守滁日曾眺清流關事往六百載我來復追攀雲  
壑豈殊昔清流尚潺湲山僧結構精小閣敲烟鬟側身  
上丹梯俯盡江淮間滁州十萬戶羅列何班班雖無千  
仞絕顧此僕馬艱毋爲感陳跡辛苦凋朱顏

醉翁亭

山亭無恙柳如絲細雨孤探六一祠玉局碑殘猶在眼  
瑤琴客去最相思空林野藪闍黎飯廢苑青梅慶曆枝  
向晚不禁懷古意釀泉西畔倚欄時

晚晴即事

踏青人去竹明霞宿雨新泥滑小車環珮隔江看不定  
天風吹過紫藤花

鐙船曲

花叢香轂影參差盥手蘭香擗五絲誰道秣陵春去久  
踏歌猶似上元時  
窄桁勾闌宛宛通吳兒丫髻倚鮫宮延緣一水明如晝  
直到青谿不斷紅

瓦官閣前笑幾回烏衣巷口夕陽催礙他翠羽雙棲夢  
爲見烽烟前度來

短衣擊鼓是中堅苦竹哀絲坐兩邊法曲開元一老在



酒酣三嘆雪盈顛

明滅蘭膏點未殘六朝佳麗此憑欄絳輪宮樹銷沈久  
合傍秦淮五月看

吳宮花草望中明輦路人歸野火生若使齊梁曾對此  
也應愁殺庾蘭成

臙脂井

井在古寺側

遙聞妃子爲銀練不逐黃奴散水涯紅淚昔年曾滴處  
春風嬌殺井欄花

墜粉遺鈿不可期風旛松火正參差臨春舊夢餘衰草  
合向鐘魚禮辟支

拜方正學先生祠四十韻

絕學吾鄉重孤忠異代存丰姿留想像瞻揅肅蘋蘩憶  
昔迴天步災躔切帝閭金甌成倉卒玉葉久翩反冊府  
盟何補宗城壞有源犴糠誠左計寒齒及雄藩議惜移  
封寢謀同築舍煩漁陽師剽銳上國羽飛騫江左懿親  
睦師中叔父尊絳侯馳壁壘東越走連蹇嘆息樓船誤  
憑陵突騎喧浮雲深建業宮雨濕朝元鎖嚙江腰斷沙  
銜地肺昏控弦江總宅吹角謝公墩馬飲重湖隘烽投  
八水渾高飛愁燕子間道失龍孫勸進紛天策謳吟到  
朔轅袈裟終在野衰經豈酬恩詔紙層霄碎綱常一字  
論漂零輕十族慷慨望千門碧血凝霑灑丹心激弟昆  
燕封虛餌蠟鄉夢不歸温佳氣鍾山換新麾幕府翻冠



裳猶未忝刀鋸更何言尚想紛鉤射當時下殿奔不成  
悲鮑永詎敢哭陳蕃士有平陵義文招屈子魂黃蒿歌  
偈仄白日些煩寬蓆帽三山市輿尸百草根長時深齷  
露何地翦春旛密網蠲中葉新祠起斷原都人還俎豆  
隧道幾涼暄故友嗟鄰近東並景公祠餘輝照隔垣松移荒  
木末祠舊在木末亭階淨長蘭蓀仰止從遺史經過感側今徙而北矣  
舊村更看金作鑄重假石為罇歷歷桑田改紛紛赤羽  
屯碑珉承鬣羸客泪落獲後羌管悽神曲吳羹薦瓦盆  
江花墓門路長對孝陵園

懷顧寧人處士

藏書滿天下之子獨間關襍被穿雲往殘碑捐險還羊

腸疑漢史鳥跡辨嵩山漢息草玄者棲棲蓬戶間

自烏龍潭尋臺城遺址

蕭寺僧閒晝掩扉潭南亭榭枕漁磯秋聲一帶聞紅葉  
涼雨終朝濕翠微地僻芙蓉隨渚轉水清谿鷓近人飛  
若爲更指臺城路風景他年半已非

論文口號

涇渭分明各有區文人相諛定何如晉江纔入南豐室  
又道毘陵得緒餘

青浦移家愛掩扉遺書晚出爲官微琅玕詎是妄庸手  
垂老元知少作非

吳儂不解絳雲編佳句先從綺麗傳錦瑟香奩各有託



自將新製比當年

坏土從知砥柱難故裁險句作波瀾樊家舊體銷亡盡

何事重教註釋看

歐蕪韓易詆碑銘哆口淵源是六經記得尚書三語在

請君試擬弔由靈

于一文章在人口暮年蕭瑟轉欷歔琵琶一足荒唐甚

留補齊諧志怪書

斗酒千言觀者驚商止才思劇縱橫人間不識侯公子

地下修文老更成

神龍朱鳳委泥沙翡翠蘭苕且自誇不信文章千古事

過江今有百名家

攜來佳麗乞新詞和者千人汝弗疑卻笑桃根與桃葉

王家迎後不題詩

鄭谷口為予草堂書額報以短章

我名草堂曰息游意取五柳歸來辭淮南薊北向三載

草堂之名空爾為鄭生作額妙入神漢家中郎秦羽人

持歸真與山靈約漁具樵蓑足此身

丁老行

吾生不見南中全盛日秦淮丁老三嘆述達官戚里多

歡娛碧油錦纜凌晨出三十六曲青谿邊教坊名部分

甲乙沙嫩清簫絕世工頓老琵琶更無匹脫十孃家盛

歌舞碧紗如烟香滿室寫生麥紙鬱青縹定情紅箋擅



詩筆解貂秉燭千纏頭瑣鞚銖衣金作袍是時法曲選  
梨園丁老排場推第一建業春風懊惱歌開元舊譜龜  
茲律當筵聽者不敢喧明星未抵華鐙客席門趙李盛  
經過醉歸不逢當路叱爲歡只道絲滿絢買笑休矜髮  
如漆笛牀一旦烟塵生再見南都傳警蹕大尹朝潛朱  
雀航礮車夜照京口驛降幡盤盤穿雉迎柳市花樓眼  
中失莫愁湖上飛鴛鴦小姑祠前吹觴策自此紅顏同  
逝水啼巾泪損燃脂帙勾欄月黑聞乳烏井水秋乾斷  
長綉閒殺秦淮渡口人風冷檀槽霜折瑟嗚呼亂離那  
可悉由來物理渾難必典衣買醉君莫笑丁老明年八  
十七

瓦官寺

大長干北小長干上瓦官西下瓦官紅葉酒帘行處有  
西風作意晚來寒

竹裏危欄一逕分隔谿時過蔣山雲小樓鐘定逢僧晚  
卻話唐家古錦裙

鳳凰棲處祇蒼苔薄暮空聞烏雀哀一自昇元開石罷  
東鄰嬌女踏冰來

前塵香象已頻更禪榻低徊過客情不見長康注錢處  
丹青零落土花生

白下送袁重其歸長洲

石城艇子芙蓉檝女郎如花艇如葉欲開未開最有情



吳儂今夜發江城船頭弄潮船尾歌月明東出奈君何  
歌聲未歇風吹去雲樹蒼茫不知處潤州山色數峰青  
別有鄰舟曲可聽草淺沙平三百里送君直下採香涇  
秣陵城南晚眺計孝廉甫草同賦  
雨花臺上花如雨木末亭邊柳作花莫話六朝興廢事  
殘陽一抹孝陵雅

金陵雜詩

素手調箏擗笛時誰傳羌管到南枝紅羅亭下花如雪  
不記風流宰相詞  
遺編傖父說三都花草吳宮近有無烏柏霜清槐葉雨  
畫師愁寫建康圖

冶城不見內家妝柳市風吹杏粥香只有江蘿不解恨  
背人青過赤蘭坊  
後庭花發最堪思帝子吟成十客知更唱阮家新樂府  
明駝已報隔江師  
詔書百道走黃封南國新妝步輦從故劍不須悲夜月  
幾人曾聽景陽鐘  
功臣坊北野鶯啼雞鳴山前烏欲棲丹青畫壁嗟難見  
歲歲游人拂袖題

金陵早春發歸棹

吳船青雀首喚客正斜曛春意江先得歸情夢已分種  
松懷丙舍將母望南雲想到柴扉日新鶯樹樹聞



舍南梅花盛開念客游日久悵然有詩

舍南三樹梅手種猶歷歷昔與綠窓齊抽梢忽簷隙江  
海夢還家此樹常繞側今年花正開值我理歸策久客  
眷舊林芳香矧予癖呼童掩蓬門三逕埽塵跡物候屢  
榮枯勞者自不識

將赴白門古南老人夢得送行句云客心江上去  
還留次日續成命伊蒲之饌依韻奉別兼示首

座休公

半畝池塘深不流禪房踈竹增清幽三年苦憶米汁好  
二月且喜春燈留眼前佳句昨宵夢明發片帆何處洲  
莫怪吟成後諸子時青士爾載林於在坐迦陵清楚本難酬

出門口號

舊壘重看燕子尋王孫西望總愁心生憎行李輕于葉  
小婢添香束翠衾  
纔聽啼鶯白石樓又聞津鼓急行舟桃花應笑人無賴  
依舊春風賦遠游

榆關明月秣陵花何處逢春不憶家盼到故園花月好  
尊前底事又天涯  
映門垂柳不勝嬌齊向東風拂畫橋記得五年前此日  
有人親折最長條

贈顧丈茂倫

松陵處士雪蒙頂亂離以來不出門埽徑幾看春草綠



緜書時有古香存過江者舊半零落茂陵遺草誰爲言  
篋中點檢伐梨棗良田自棄東吳邨吳趨坊前定本出  
購者如獲千瑜璠吁嗟今自從大雅昔淪沒風雲月露  
爭煩寬開元天寶少忌諱浣花詩史千年尊竭來文章  
遭束縛餘波綺麗仍飛翻聞君搜括到時輩轉益體制  
宗西崑是歲貽書云閒情選刻將竣采華棄實非徒爾此意難爲儉  
父論

送郭臯旭北行

婀娜風帆一葉勝酒旗烟箔影層層不愁前路無春色  
紅藥香中過廣陵

清明後一日虎踞關作

黃泥崗北水穿沙細馬嬌盤石路斜風俗舊垂千屋柳  
居人猶種六朝花銀箏小院翻吳調翠羽新巢別謝家  
不見陪都全盛日還聞野老說繁華

懷伯紫

羈棲真比白門鴉看遍江城二月花最憶故人京國遠  
年年春好不還家

清涼寺海棠花歌

海棠一樹清涼寺乙酉年間僧手植僧初植花三十強  
僧今六十花出墻江南見慣渾不少此樹爭誇標格好  
柔枝弱蕾可憐春只愁剗地東風掃君不見靈谷梅花  
照寺門鳳凰臺下杏花村百年風景盛游賞今日荒涼



斷客魂又不見南渡倉皇羽書急禁柳宮槐亦蕭寂自  
古花時屐到稀不辭終日坐芳菲後游莫悵前游事只  
合看花爛醉歸

江上夢沈武功徐初鄰二子

獨客辭家願已非何由二妙歎雙扉離情幾月鴛鴦渡  
好夢今宵燕子磯山隱故鄉空翠遠江寒蕭寺落紅稀  
年時琴酒今零落忍對春殘不賦歸

停船嘆

昨日停船逢野老短笠蒼髯色枯槁自言恆雨壞蠶桑  
更苦夏稅相催早鬻錢弱女方穉齡牽裾泪落傷懷抱  
今日停船逢縣胥曼纓鮮服昂然趨下鄉泥飲橫索錢

博場舞榭歡須臾農耶胥耶何者樂司民自有籌時畧  
老夫不仕復不畊側身長嘯秋寥廓

尋倪閣公值往豫章奉寄

別君春草綠尋君夏雲生榴實何離離瓜華蔓柴荆今  
子謂師留也若冰雪翩然當戶迎知君理雙槩昨赴豫章城

遺我一紈扇醉墨猶晶熒動搖青林側颯然懷袖清卻  
憶廬山上松陰連翠屏赤日不到地六月寒蟬鳴君蠟  
幾兩屐真宜銷夏情衣過水簾濕足穿雲海行携琴訪  
三峽精舍聞鐘聲謝客詩尚在麻姑酒須傾我乏濟勝  
具夢想徒屏營因君寄丹壑他日未寒盟  
舟中爲周櫟園先生題葉榮木畫松



六月清江放舸遲  
火雲晴霧總難支  
晚來忽有松風入  
白露洲前看畫時

朱家背阻風戲為長句

我從金陵溯真州  
白波為山小者屋  
柁師不語長年知  
日落朱家背前宿  
吳兒身手捷猿狖  
忽捲蒲帆三十六  
渚蘋汀葦相魚綠  
前船後船尾相逐  
可憐臨江戍不知  
何年築潮水入門  
去妻兒尚屯伏  
行人過此生嗟吁  
物態蒼涼黯心目  
野夫只候風浪平  
解纜清江趁朝旭  
利涉期同舟臨深  
戒僮僕稍喜暑氣  
清客夢穩宵褥胡  
然有物攪幽獨如  
龍挾雲虎嘯谷始  
聽疑從西北陞少  
焉似欲失地軸來  
如怒鵬九月搏扶  
搖去如刺史移文  
告

南海鱷魚聯翩晝  
徒族散如匡廬山  
中十日秋雨急百  
道流泉迸飛瀑歛  
如楚師一當十涉  
閭禽王離走戰鼓  
一聲收鉅鹿我舟  
欹仄類轉轂顛倒  
琴書滅鐙燭攬衣  
起視星斗繁眼眯  
口噤不覺兩膝之  
蜷蜎始知天公惱  
客猶未足石尤宵  
來倍飄倏童子語  
柁師此風曾見不  
柁師悄無聲搖手  
目相屬海水橫流  
入江腹可憐臨江  
戍舊潮未落新潮  
續昨日水侵扉今  
晨食當蓐是日居人水沒  
腹皆倚蓐而爨  
殿借使之也  
雞升屋顛魚沫粟  
卻顧鍾山數點青  
咫尺龍蛇起平陸  
自甲迄丙不少縮  
三日不進當柁何  
我欲翹天轉躑躅  
江神且高坐風伯  
恕不速東招折丹  
西飛廉鬣有言酒  
鼎有餽以妥以侑  
介景福吹笙鼓瑟  
我



不汝瀆聽我致詞我聞上古五日始一風風不鳴條產  
嘉穀又聞少女吹林間農人歡呼灑霰霏躬逢太平日  
瑞應當可卜秋今如何行暑溽南人愁雨北愁旱此事  
今年不堪告壯夫買刀行賣犢老妻稚子闌衣哭只今  
田禾十存幾狂風又遣相迫促區區行旅寧足較賤子  
聊爲率土祝雲車冥冥旗肅肅颯然如有聞神語下遣  
復君不見蓬萊水碧海桑田等碁局又不見崑崙風顛  
倒羲和失輪輻天地本游戲堯湯且額顛風調雨順偶  
然事嗟爾林林總總沙蟲然祁寒暑雨安能一一厭所  
欲我今縱橫君勿讙神言不我欺斯人日顛蹙且呼從  
事酒莫唱迎神曲年來漸與風波熟一任江豚吹白玉

忽憶至人御風行輕裾如烟肆遐矚海上琴高駕錦魚  
雲中仙子吹龍竹吾曹何爲苦拘束安得丹砂服食成  
直上青天倚若木調和陰陽無反覆下視長江不盈掬

自燕子磯至秦郵遣興

燕子磯下水濺濺磯南小市江風前閒殺儂家白團扇  
不知何月是炎天

江雲釀雨雨不下池荷作花花未開安得雨催花放候  
尊前頻送冷香來

晴川如畫晚揚舸近水人家柳作屏白下三山青未了  
郵籤已報竹西亭

短籬疎樹望中疑往日春風颺酒旗茅屋總隨流水盡



紅墻三版露筋祠

悼雷伯籲兼示王築夫

韋布文章半已徂  
夜臺雷叟不堪呼  
遺編一束愁蛛網  
寄語墻東王築夫

淮南大水紀所見

柳枝催殘水漂疾  
愁殺荒灘築河卒  
河流一夕欲到天  
雕甍繡戶無安眠  
牽簿作舟檐覆葦  
葦叢歷歷炊烟起  
小娃裙袂芙蓉妍  
沙頭峩峩泊官船  
褰裙汲水君勿笑  
昨日避客高堂前

自泗亭驛至南陽見荷花連亘數十里

晚過泗亭驛人烟暝  
荒荒榜火候明月  
船窓生夜涼客

夢清若水肌體聞妙香  
五更舵樓轉日出見南陽  
紅蓮何綽約靚如好女妝  
幸無疋帛繞橫放溪流長  
明明華嚴界現此河中央  
我聞此谿農貧乏升斗糧  
種荷以爲業盡室資糝糠  
過者但娛目撫事增慨慷  
安得設呪水大地皆紅芳  
庶哉有遺嘆即此勝稻梁

九日張螺浮給諫席上

簾卷松風正夕陽  
舊籬黃菊夢中香  
三年客負登高屐  
九日花開給事莊  
詩到軟紅無一字  
飲當晴翠且千觴  
坐間盡是忘歸者  
誰與登臺望故鄉

雪後同朱十過申隨叔檢討齋看菊

九月雪如掌雪後寒疑臘  
看山惜迢遙入市畏喧譟  
翰



林走急足書來念離合上言菊有花朝衫倦閭闔下言  
新釀熟鬢婦方議榼竝馬得朱十入坐賓不雜磊落見  
詞章風流生吐納冷淡有真味肯惜換銀蠟送客聞嚴  
更金飈轉蕭颯留却兩淳于雙下西齋榻酒醒月當城  
晨雞互相答

送譚舟石之官榆林

譚由舍人外遷

風流西掖尚堪論五馬翩翩亦主恩傳語邊城諸父老  
歲星為爾別金門

垂垂沙柳拂高城攀折其如送遠情檻外明河休早落  
陽關纔唱第三聲

繡衣飛蓋出長安客舍西風對酒寒馬首秦時一明月

龍沙夜夜鏡中看

吳鉤斜挂紫茸羶日斷長城路幾千閒殺孔璋飛檄手

只今烽火靜西邊

當壚秦女擅秦箏野店花間日暮聲却怪使君頻駐馬

一時歌舞避前旌

到日榆關木葉稀早寒邊戍怯征衣從來漢吏春如海

未遣銀州白雪飛

內家曾唱紫薇篇出塞歌清更可憐若向涼州吹玉笛

梅花無數落居延

征西諸將此橫戈廢壘驚心歲月過明到一鞭衰柳外

新詩應賦戰場多



五原秋色淨簾鉤吏散衙齋晚更幽亦有鴛鴦湖水在

未須迢遞起鄉愁榆林橋李皆

紅鹽白草玉門東才子褰帷正朔風 聖主恩深他日

事不愁魏尚久雲中

玉劔以下三首並少宰孫先生齋中雜詠

聞自宣和殿傳來世代迷土花侵彷彿宮錦落提携拂

拭光盈握微茫客辨圭更憐永保字神物得雙棲玉劔相傳

出湯墓舊在宣和殿金破汁携之至燕元時取入奎章閣後流江南士夫家少宰購得之吾友錫曾作釋圭辨

其非劔又銅劔一有文曰吳季子永保用之

晉硯

遺硯題纖手何年出秣陵簪花環小字圓葉隱踈稜墨

似霑紅縷光猶凍玉砮懸知吟絮日細把意難勝硯出秣陵

鎮近歲有人從土中見石函如古銅剖之得圓硯黠然

而澤銘凡一十六字絲紅清石墨光洪璧資我文翰玉砮堅質末有道韞字疑謝家物也

倪黃二畫

雲氣千林疊雲林畫懸流一線通子久畫坐疑嵐翠滴身在

水簾中瀟灑看雙絕迂癡見兩翁紛紛刻畫者誰有昔

賢風

送吳岷涪之延安

征衣短後縫驟馬繡璫瓏日黯臨岐酒沙喧出塞風榆

林通上郡板屋限西戎解覓丹砂否桃花在望中桃花洞產

砂丹



送胡潔菴

石壘霜譙散夕煙由來征戰說三邊憑君走馬長城去  
可有當時俠少年

飲柯將軍園贈翰周

名園值得酒人邀隨意花枝更柳條自是長安好風景  
只輸野竹與東橋

飲繆歌起修撰邸齋

尚書留第宅是王司農舊第宛轉鳳城阿館閣仍清暇求羊許  
數過紅塵隔戶遠秋色卷簾多風細聞黃菊烟輕散綠  
蘿杯浮中聖酒峰削大官駝知己許狂態他鄉容放歌  
不愁明燭炮已使客顏酡屢舞看鸚鵡初衣愧芰荷才

誰龍腹比癡柰虎頭何

謂樵也

幾聽嚴更邏深防醉尉訶

女墻先得月天漢早橫波莫待葳蕤啓雞人候玉珂

宿程農部周量寓齋憶戊申之歲同屈翁山何不

借於此歡宴累月忽忽二載作詩呈農部需便

寄二子

我辭金陵道復作長安客長安九月雪初霽垂楊亂落  
金溝側廣州館前冰作花偶隨殘日過西斜司農埽徑  
晚開甕月俸仍分到酒家往事重論夜將半踈簾別啓  
藏書館忽憶春燈話石牀故人何屈今星散嶺樹迢迢  
萬里心更邀秋月弄瑤琴還將越嶠仙人曲并入江南  
游子吟



題汪鈍翁焚香埽地圖

君家書屋枕江干近種茗華傍藥欄靜下簾鉤無一事  
日長真作小季看

奉贈大宗伯王公

神龍有時潛威鳳不世出古來公輔才幾人最超軼先  
生石渠彥游領容臺秩尚書喉舌司上與北斗匹昔在  
順治中經緯資良弼公望切平津指顧參密勿家學垂  
青箱先生以青箱名堂一經見作述卷舒一何神未老謝簪紱  
為園鳳城西清若山水窟軟土不侵窓落花時點帙自  
從羣言乖斯文嘆淪沔狂瀾逝不返曲說轉盤屋公獨  
還深醇六藝爛星日旁撽未見書晏坐手甲乙餘事工

烟雲晚節細詩律流傳盛寰區得者比千鎰賤子仰風  
徽遠游謝蓬華窮愁意有託亦頗弄紙筆朱門平旦開  
萬竿嗤一瑟挾瑟登公堂賞音非敢必宮商不我殊清  
風屢披拂披拂豈予私寸心諳得失申章恕樸陋諛詞  
公所黜

沈繹堂副使席上歌

沈侯愛書法墨池夜埽西牕月客愛沈侯書生綃紈扇  
紛前除沈侯愛書兼愛客置酒張燈永今夕憶昨奉  
詔趨宮門至尊暇日為臨軒于闐青鐵出秘閣遼西  
麟角雲烟翻殿中觀者皆斂手沈侯輟筆傳觀久董家  
尚書伯仲間天語流傳在人口羣公須盡手中觴莫



待曉色侵高堂翠華昨自長楊返更恐相催入建章

送汪鈍翁戶部移疾葬親歸長洲

離亭南望酒城遙雪後川原入畫橈市上韓康應舊識  
仙人郭璞且相招天寒丙舍多風樹家傍春山長藥苗  
他日廬居如健飯可能開徑款漁樵

呈龔尚書分用子美秋興前四首韻閻孝廉古古

倡

畫省由來接上林門前槐柳舊蕭森卷簾翠挹峰巒色  
散帙秋生睥睨陰清晝迴聞天上履中朝爭識歲寒心  
淮南縱有神仙宅未許歸聽楚戶砧  
太液波連鳳闕斜漢廷制作有光華殊方盡識春官禮

遠使無勞博望查尚德書成留國史洗兵歌後靜邊笳

不妨下直從容夜把酒高吟雪苑花

三策防河嘆累棊東南鴻雁轉堪悲懸知陵谷桑田慮

多在衣香馬汗時廟筭獨傳憂殺切邑符猶恐議蠲遲

謝公雅繫蒼生望不為鄉園也夢思

香嚴尊拙先生二集名也挹清輝往日詩名動紫微天半曲從

操纒得尊前塵欲繞梁飛登歌清廟才何忝搖筆滄洲

志豈違我亦頻年懷古調遠游端不為輕肥

申丈鳧盟貽書見訊且索近著寄答

公子能清節幽棲道不貧秫田供釀早書屋與農鄰北  
學誰高第西方彼美人相逢身世感燕草又三春



近接霜前札相憐塞上吟風沙游子路松菊暮年心避  
世沮偕溺尋山向與禽古來無獨往嗟爾竟長林

申菽旆舍人席次作兼呈宋荔裳觀察王襄璞方

伯

舍人折東鳳城阿紫陌斜陽接轡過九月冰霜深院少  
一時文酒外臺多高吟漫擬悲秋賦雄辯渾同斫地歌  
銀漏欲闌烏鵲起捲簾其奈月如波

送梁曰緝侍御歸鄆陵

峩峩春明門車馬趨若驚蘭臺實要津興時闢言路羣  
公何赫奕捷足振高步先生淡浮名處之以儒素抗章  
羞雷同好道展夙悟讀易與逃禪因之託深趣鄙人忝

招要三載接情愔塵言朝每聞尊罍夕屢赴于焉挹清  
芬景行有餘慕不于泥涂間爲感孫陽顧

執手歡未極驄馬去如何風吹蘆溝月千里回寒柯驅  
車涉冰雪鳴鞭越波陀嗟予秉微尚恥向朱門過交親  
能幾人還歸一何多長洲旣乞假去翦支硎蘿先生念  
高堂亦復回巖阿衰楊不堪折對酒難爲歌少別豈足  
惜後會毋蹉跎

我聞嵩陽峰遠對鄆陵郭二室俯空濛三花宛淖約以  
奉白髮人堪娛流霞酌扁舟更相期欲采江南藥江南  
我故鄉柴門帶林薄肯來訪漁磯還賦高軒作平生游  
覽意恨未探五嶽便欲裹青精相從湖川雒



爲程員外題畫

頻年浪跡愧無端  
閒殺秋江舊釣竿  
畫裏分明見鄉國  
夕陽千樹水平灘

杜遇徐學士齋對雪因憶孫北海先生約尋退谷  
昨日亦苦雪今日亦苦雪故人朝參暇庭戶少車轍忽  
憶翠微峰積素是巖磔退翁讀書處有亭自清絕應門  
留曉鶴踏處青一缺期我雪中尋相娛歲寒節近來廊  
廟身意頗怪巖穴學士殊不然愛此明且潔肯策灞橋  
蹇惟須玉壺挈作詩報退翁層冰堅可越莫待晁消時  
峰峰露青鐵

古藤篇贈何蕤音侍御

帝城日出車馬喧  
帝城風高沙滿天  
朝來頓覺幽興愜  
眼豁侍御東牕前  
古藤雙本枝屈旋  
選材作架高過椽  
老幹直上排雲烟  
倒垂復作蛟龍懸  
主人偃仰意不足  
更築別館相夤緣  
簾櫺一一綴踈微  
窈窕有若虛舟然  
騎馬下朝塵滿鞭  
對此不異趨林泉  
賦詩啜茗橫素弦  
有時召客羅芳筵  
藤風泠泠落几席  
臥看紅翠春糾纏  
我聞此藤垂百年  
往來題詠多名賢  
長安名花不易得  
肯使根株輕棄捐  
酒闌戲作雙藤篇  
慈仁之松玉河柳  
與爾應同萬古傳

贈冒穀梁移寓曾青藜徐方虎陳緯雲同賦

開元之際董糟丘  
供奉多情憶舊游  
我亦酒徒今寂寞



故人珍重埽南樓

宣武東頭是狹斜  
烏生何處覓秦家  
休將五夜楊枝遂  
吹落西鄰桂樹花

口占贈柳敬亭

岸幘華筵酒數杯  
新愁一夜為君開  
坐中莫怪縱橫甚  
親見寧南百戰來

燕市酒人今散盡  
白頭重與話春風  
燈前歷歷開元事

只在棊聲扇影中

叟以一棋一扇按節作口技

朱碧山銀鑿落歌呈孫少宰退翁朱十倡

退翁齋中花底酌  
當筵示我銀鑿落  
摩抄坐上一再看  
知是吾鄉碧山作  
至元月日鐫彎環  
古紋半蝕青苔班

槎柯颯颯勢欲飛  
宛若放舸滄溟間  
橫眠有客凌風渡  
點綴衣裾逼生趣  
玉缸真擬瀉明河  
為送張騫月支去  
雕鏤無跡把玲瓏  
不解杯腹何由空  
鸕鷀琥珀皆不數  
夜光金屈難為工  
主人更勸勿揮手  
舊事流傳猶在口  
元家學士數臨川  
秘閣相將此為壽  
引杯謝客客賦詩  
文采翩然動僚友  
亂離以來嗟失一  
往時作雙今不偶  
嘆息人間四百春  
斜陽細雨漉殘巾  
梨花絕勝蒲萄釀  
傲爾乘查海上人

贈衛爾錫檢討

河汾絕學今誰振  
房魏聲名霄漢間  
封事萬言傳史館  
綸扉數語動天顏  
客逢皂帽偏投轄  
住近青門只閉關



著作三長應有屬紛紜稗乘好教刪

正月四日同朱錫鬯潘次耕蔡竹濤自阮家邨入

壽安山

曉村殘雪落輕鞭杏態將紅一派烟見說花時車似水  
不妨把酒未開前

夕陽村舍酒同傾沿月仍携襪被行山入新年纔七日  
上方鐘磬已春聲

退谷題秋月上人房

秋月一精舍遠在春山中亂水沒何許退谷西偏名水  
盡頭水至此忽  
寒花開幾叢日殘松磴雪幡接酒旗風尚  
伏久而出地  
為上泉也  
想蘇門嘯直然萬壑空孫侍郎自築  
退翁亭於此

秘魔崖

山行及朝暉烟銷翠屏歛空林鐘始鳴禪刹燈猶閃屋  
頂出層崖山僧解指點石門淨如拭莎徑綠於染歷歷  
鳥遷樹泠泠泉出險二龍渺何處石碑有二龍  
化青衣事廢碣莓  
苔掩獨愛數小松百歲閱荏冉雖未干雲霄蒼然秀春  
崦靜觀了可悟浮生當自檢及此滌塵心且憇松間簞

來青軒

級石上層巔憑欄忽惘然御書山鳥識遺事老僧傳地  
迴園陵北迤南直  
景皇陵亭孤夕照邊向來蒼翠色依舊落牕  
前

自香山入洪光寺



十八盤邊路高高出翠微東西分檜影一半落春衣風  
束驚沙上雲將野燒飛平田還極目前路接郊畿

碧雲寺

明神宗御書水天一色尚在寺後  
諸峰皆中官葬處鉅公碑勒儼然

登臨最愛前峰好杖底濛濛走白雲苔徑忽隨丹嶂合  
泉聲先到碧牕間香臺松自何年植鹿女花從上苑分  
宮扇憶曾移雉尾至今殘墨閃斜曛

丹青絕壁儼神祠想像中官拜禩時異代流傳臺閣體  
空山紛列墓門碑春生石馬蘿仍合雲鎖雕欄鳥倦窺  
金盃玉魚零落後松杉應愧尚參差

明景泰帝廢陵二十韻

紫塞蒙塵日金輿返轡難乾坤憂不細宗社喜重安繼

體元隆準神州即舊觀維皇追始禍旋詔族中官耆定  
非無補丹青故不刊北庭烽乍息南內月仍寒但使天  
親叙寧慚聖德完都人歌棣萼宸慮失猗蘭曹石謀何  
遽宮庭慘不歡升遐方撤几復辟已鳴鑿興廢當年事  
園陵異代看隧殊天壽飾山向梓宮殘黯淡蒼梧照淒  
涼玉露團竹猶啼夜雨

陵右即宮  
人葬處

櫻絕薦春盤鳧雁沙

長沒蛟螭篋尚蟠樵蘇來寢殿野老拜衣冠白日呆  
冒朱扉鎖鑰寬空濛流宿霧嗚咽走驚湍墜桷敲黃瓦  
荒榛覆綺欄豐碑還在目拂拭感無端

玉泉山

昨看春水伏今見玉泉生烟壑爲誰好棲遲懷古情魚



宮無客釣花殿有農畊山有芙蓉殿址坐愛松風起冷然且濯

纓

田家觀杏父老為予言昔年游覽之盛觸緒成歌

西山信幾深泉石多佳趣沙墅烟邨面面開不種桑麻

栽杏樹古墻蕭寺紛迷離映水穿簷杳無數正月天寒

未著花千條已見生紅霧我向山南更山北往事猶聞

野老訴長安烽火昔未經城中女伴多游豫玉珮時邀

載酒行鈿車欲挽青春駐社鼓錫蕭蹙踴場細雨游絲

寒食路錦茵飄濕不知還一時笑脫輕裙護婦文多用長裙圍繞

樹外以避行路宴飲有連宵連旦者當年那惜盡歡娛此日繁華竟非故

縱有游人聯騎來不復芳塵暗朝暮可憐杏樹不改色

依舊東風斷腸處密葉全遮帝子陵繁枝低亞宮人墓

茫茫今昔何足道滿眼青山尚堪賦有花不看花笑人

濁醪瓦缶須頻注

青龍橋下送瞻西上人還退谷

我尋退翁亭幾日禪房住上人導我山中行百折相隨

入烟霧送客流鶯故故啼朝來揮手麥莊西遠公自愛

東林好肯為春風過虎谿

題譚天水小影即送之閩

置身何異碧山雲散帶風輕白練裙若向幔亭花底度

人間重見武尼君

平生絕愛離支好欲掛春帆九鯉航烏石山前君住否



待予同摘宋家香

時有約予游武尼者

清明日沈康臣汪蛟門喬石林曹升階黃繼武曹

峨眉諸中翰招同朱錫鬯高二鮑飲郊外即席

限韻送錫鬯之維揚

東風無賴帝城天前度還家值禁烟置酒忽從高處飲

楊花燕子又今年

燕草如茵送馬蹄朔雲南下驛樓低紅橋白舫青青柳

值得詞人愛竹西

別高念祖表兄兼示沈馨聞

三月雨如絲因君策馬遲酒清踈柳店人別落花時楚

夢愁山鷓聞香愛荔支

念祖將有閩行

同游滿京國獨繫沈郎

思馨聞方  
病起

秋錦山房集卷三終

男潮偕謹編



秋錦山房集卷四

古今體詩

共二百十九首

良鄉道中呈曹澹餘開府

萬里征西節雲中出九闔同來驅馬地已後采蘭辰斷  
水流紅板春沙撲錦茵惟應庾開府高詠自清新

渡德水

岐路吹殘陌上塵野航相喚渡前津斜陽似戀孤亭樹  
岸草偏隨萬里人邨暝亂鴉喧廢壘日長嘶馬倦征輪  
能銷旅思惟拌醉試覓羅家麩米春

大明湖

七橋珠沫滙潺湲湖上人家靜不喧歲有蓮菱紅掩湜



春浮鵲藥翠當門川巖莫訝非吾土鷗鷺相看似舊邨  
五百年無曾子固數亭猶幸一亭存

歷下亭

歷下初探勝遲暉在客西坐移苔可藉壺盡鳥催提一  
鏡雙簾卷孤亭萬綠低紀游墻半墨苦憶杜陵題

江家池對酒

江家池水碧于藍指點銀瓶客駐驂花影拂簾杯在手  
濟南春色似江南

晚步經白雪樓是李滄溟遺址

九點齊州入暮春偶經樓畔一傷神百年詞賦還陳迹  
七子風流又古人荒徑只聞黃鳥喚壞墻猶帶綠楊新

夜臺李白相逢否咫尺匡山好結鄰

趵突泉

七十二泉好人間說瀑流尋源溯王屋注樂走滄洲歷  
亂千珠碎空明一岸收昔賢多咏嘆何以賦茲游

馬孝廉三如往歲南尋吳越頗盡游觀今茲奉訪

追話曩蹤因有此贈

落帆亭下泛春烟聽話前游已十年舊袖吳娘采桑月  
筍冠山客焙茶天相逢只憶江南櫂此會須尋濟上泉  
莫學君家授經叟坐銷絲竹絳紗邊

白海棠

西府酡顏在自矜淡粧別有暗香凝海棠山半嘉州雪



不記何春到穆陵

海棠惟嘉州產者香州有  
海棠山青齊種所自也

張杞園訊予近游兼訂適越之期時予方道楚入

黔輒賦長歌留別兼簡馬孝廉

我携邛竹杖矯首思名山芳草幾回碧游人殊未還前  
年走飛狐遠眺清涼月丹梯上層霄空翠落雙鞵二月  
垂楊風迴鞭越居庸酒酣彈琴峽塞女如花紅道逢秦  
淮客却憶江南好六代多遺踪游歷悔不早華陽及天  
闕杳靄爲雲烟最愛棲霞寺晚鐘楓葉邊去年涉蘆溝  
夢繞西山側風雪苦相淹裏糧到人日玉泉瀉空明邀  
我石梁行沙嘴千春莎微波漾餘清遙過青龍橋蒼蒼  
見陵樹轉入萬峰西松間幾朝暮竭來送殘春更踏齊

魯塵垂鞭浯水畔遲迴忽經旬渠止兩名士籍籍張與  
馬飯我雙白駒開尊杏花下貞也冰雪姿勝覽夙所怡  
渺然五湖想因之掛帆期間君昔南趨弭櫂躡鍾阜徒  
懷洞庭橘未折閭門柳探梅陟鄧尉攀荷渡錢塘杞園  
期以  
春首入吳  
夏五入越春吳而秋越毋乃太匆忙嗟予事遙役欲溯  
沅湘去南過武陵源便入烏蠻部勞君送遠征萬里各  
含情他年若見訪待我返柴荆

譚家坊

野店啼鶯向晚多落紅飄盡長新蘿亦知村酒難爲醉  
奈此青青山葉何

雲門山



樵徑探幽策瘦筇洞門斜倚秀芙蓉朦朧壞篆眠碑字  
掩映游衫竟壑松嶽色西來穿劈嶺潮痕東折鎖齊封  
葵丘霸業牛山泪都付僧牕薄暮鐘

馬東邨

亂峰千疊鎖高原忽踏飛流見石門晚飯山家衣帶綠  
不知身在白楊邨

肥城山中登石閣午後冒雨前發即事

閣引雙梯上天垂一綫容翠宜攀絕壁名不辨何峰果  
掛無猿處苔橫過鹿蹤不須嫌小雨西去綠陰濃

渡河抵歸德作

憶從人日裁鄉信傳語青鞵到武尼

初擬游閩以  
入黔不果

客路

雲沙今更遠故山猿鶴未曾知蒙城戰後春無蜨隋柳  
風多葉滿池河上十年三問渡平臺回首夕陽遲

睢陽道上謁雙忠祠

野雲垂檻碧苔滋弔古無端策馬遲罌翠芷香新雨候  
竹疎燈靜暝烟祠空城烏鼠從軍泪廢殿丹青過客思  
伏臘更誰分俎豆祇應南入是男兒

陳思王墓

建安才名人不及公子分封此都邑銅雀西陵曲未殘  
釜中何事相煎急一從玉樹掩荒丘漳水無情日夕流  
二千年間人事改斷垣零落餘松楸豐碑別起臨官道  
華亭書法今代少

沈太史備兵  
大梁時立石

封樹依然靄夕陰未許



鼉鼉穴莎草游俠風流世共傳祗今誰繼鄴中篇玄芝  
不復來神女白馬猶應向洛川生前華屋紛無數玉盃  
金鳧渺難據惟有文章光燄長一杯且酌陳王墓

### 樵澗村

卯金祚中衰倒置失冠履執戟獻美新平陵殺義士綱  
常留一綫汝南得孝子采采桑間實長跼當菽水承歡  
鋒鏑中全軀良有以流徽照東京一洗風俗美千秋樵  
澗村何謝遺羹里孝子祠與穎考叔故里相接我亦眷晨昏行役不  
遑已揮手別荒祠四看白雲起

### 襄城

亂餘三十載邑里尚晨星谷口雙流白山腰一寺青沙

沈餘箭鏃風響答鐘鈴農事今年好邨歌向晚聽

### 馬首望鄢陵懷梁侍御

最憶梁夫子投簪返舊林沽名章不上籌世意何深侍御

嘗言今日遭逢聖世不難建白奉行非其人豈惟膏澤不下而已吾居言路隨事盡職敢為名耶既而移疾去位識者以為富哉斯言非一意諤諤者所知也齋食繙僧笈山裝絡故琴停鞭

欲有問行藥渺前岑

### 襄陽

舊憶襄陽好今知楚權輕暮潮將暑去新月隔江生荻  
淡雙洲色鷗閒萬里情青山蚤相待先擬習池行

峴南多勝蹟風景未全荒麥稔新農畔花開舊戰場歲  
時江上酒人物郭西坊郡治石坊勒古名賢姓氏懷古關幽興垂



鞭恨夕陽

魚酒村村得瓶杵畫可携槎頭圓截水帘影直垂隄江  
潤遲雲過林疎出鳥啼游人新有曲不唱白銅鞮  
楚蜀天相接襄樊水共流由來雄節鎮于此控咽喉有  
樹皆藏屋無簾不上鉤異時戎馬地生聚幾春秋

抵荆門州尋蒙惠二泉用子瞻登介亭韻

南客久北轍近頗怪炎溽驅馬荆襄間行潦日霑足此  
邦百戰後原野未全綠脫粟飯前村不暇論口腹攀蘿  
閱形勝曲折到平麓上有崇崗環下有荒陴伏寇至守  
不易况乃事角逐入郭攬遺墟蒼涼嗟滿目側聞豺虎  
盛覓食走茅屋家家閉門早畏此斜陽速客子心膽粗

獨行探往躅象山祠尚在兩泉宛碧玉散髮飛流邊如  
對鮫綃幅摩抄至元碑剝蝕苦難讀回瞻昧前蹤恥效  
阮生哭蟻行踰深谿細路秋毫續反愁締綌冷更畏榛  
莽觸惜未携良工斗字搨山谷蒙泉二字涪翁書也邛醪既須沽  
江魚亦吾欲一醉遣百憂明當赴荒服

荆江歌

江陵城北雨初晴荆南驛前風荻鳴月落長年呼不起  
柁樓欹枕看潮生

烏榜紅舷曲未闌水神祠廟枕江干風濤數見渾閒事  
不信朝來逆浪難

亂流如赭峭帆過出峽新增漲後波不是楚山青一點



行人真擬涉黃河

沙頭風息纜徐牽小簾橫窓客醉眠聞到武陵須上馬

且拌十日穩江船

百丈彎環柰晚何上江船比下江多楚女休矜大堤曲

巴童解唱竹枝歌

月明烏鵲幾曾飛酒醒空江露欲晞不必聽猿向三峽

纔聞橫笛已沾衣

鄰船杳杳去前堤竹綆新編四破齊同發江干不同宿

西陵更在火雲西

澧江阻風送中丞曹公卻返澧州取陸路南行期

以武陵相待即次贈別原韻

連檣洵云樂其柰石尤何十日荆江泊村村增夜波夫

子發遙思因之江上歌翻然送車塵坐惜朱明過欲汎

武陵權獨往成蹉跎殷勤一明月千里下岷峨

夢王阮亭農部過武陵

楚國千山別後登擬將書札報炎蒸如何洞口秦時月

卻照扁舟下武陵

沅江遙夜水如雲柔艣輕帆惜易分一片猿聲花底出

仙郎曾否夢中聞

河湫山

朗州山水區夢想自夙昔今朝落吾眼曠望展胸臆始

見千芙蓉蒼翠遙可摘少焉衆山盡一峰儼當側攀陟



性所耽高舉輕兩腋風吹萬青松苔繡古白石衣從女  
蘿掛腕就仙井滌蟬蛻訪遺跡雲深邈難即坐看武谿  
源涓涓瀉輕碧勝攬不在遠塵鞅何當息翻笑征南人  
曾此愴橫笛

九嶺

昨者暑氣清嵐瘴喜初散幕府有程期鳴鏜戒宵半殘  
月不到地松梢耿河漢冥冥列炬移灼灼螢火亂空山  
悟無始靜理閱昏旦九嶺爭一隅徑窄中每斷我行尚  
層崗我僕復深澗浮生付飄忽肩腋楚人慣不墜偶然  
事履危豈無嘆轉苦東日遲坐待火雲爛稍稍荆扉啓  
人語出沙畔前路方迢遙平明且須飯

馬鞍山值大風雨是日同行皆先度

夏雲不出谷濛濛晚來聚急電走山根散作千林澍絕  
頂掛飛瀑下濺百草仆我來及馬鞍側足敢徑度窈冥  
豺虎蹤咫尺蛟龍怒僕御喜新涼肩輿乘濕去衆山向  
背殊風景變朝暮前峰雨不到月出青楓樹悵望同行  
人先我宿何處平生愛幽賞未敢悔行路

沅陵縣

蟹舍漁梁夜渺然沅陵如晝月初圓何當笛裏南征調  
吹向沙頭北渡船蠻俗至今三楚雜亂山終古一江穿  
尊前蘭芷青無限欲弔湘纍何處邊

辰谿歌



巫陽城頭赤日暮辰水東流更西注錦石臨江畫不成  
巖花半逐漁舟去鴉井丹砂好駐顏龍門玉洞堪追攀  
谿山滿眼客不住辜負茅齋楓樹間

宿沅州

武陵谿上客迢遞復沅州十日人穿霧三更月近樓野  
雲多映水踈篔簹早知秋信美非鄉國飄飄愧遠遊

栗子關十六韻

峻極重關險艱難獨客經梯航原梗絕中外劃郊垆天  
作西南障山開大小屏

有大栗子小路應莊躋始地自

栗子二關

伏波寧遺廟崇新祀殘碑失舊銘土田紛棘火樵採怯  
鳩形往事聞開國殊方久不庭王師頻閱歲使節幾

銜星鬼斧橫飛棧神功直建瓴虛無銀漢逼縹渺淶江  
渟鳥道層巔過蟬聲下界聽半肩敲墨峽一髮上空冥  
石到諸蠻黑楓過二酉青炎風高瘴癘晴日俯雷霆竹  
靚猿猱滑叢幽虎豹局杖藜無恙度揮手別山靈

水車行

黔人五月伐蠻竹水車團團架江腹百筒自轉洪濤風  
晴日禾苗盡霑足豈無桔槔與轆轤終藉人力相持扶  
未如老農日飽睡坐待粳稻收膏腴吾鄉水車製渾樸  
胼胝僅足輸官租吾將攬筆繪此圖可惜江南水面平  
于鋪水車僅可施急水倘欲移置徒區區古來財賦稱  
三吳吁嗟民力何由蘇



游華嚴洞用少陵白水縣崔少府高齋韻

黔山不知名曲折隨所適歷險已云慣畏此秋陽赫路  
轉境忽殊兩腋落蕭閒孔道啓珠宮中有青鐵壁松杉  
挺雲外難可計尋尺禽語共鐘聲峰峰異喧寂俄然陰  
崖迸花雨灑浙瀝未知何鬼工下鑿千仞石曜靈古不  
到元氣黯相擊冥搜倚束炬轉愁鬼火射往者蛟龍騰  
其種尚窟宅吾欲訴真宰從此付河伯窈冥失白晝履  
齒限深僻瞻仰得大士色相了可覲獅座繞莊嚴瓔珞  
垂一碧始知混沌初象教已先圻坤維本東陷百險走  
西脈負固繁谿苗曾勞舞干戚勝地豈長湮中土今不  
隔迴攀磴草綠側染簷溜赤容與及茲辰兼喜後鋒鏑

池荇魚唼殘壇花鳥啣積幽討非一概森爽兩崖敵蒼  
狗變斯須卻顧濕几席惟餘清妙香冉冉送游策憑虛  
羨門子高坐彌天釋此中應可求柰何塵網迫即事感  
蒼茫喟焉念今昔

聞鷓鴣

花間飛上竹枝啼纔過黃絲又冷溪蠻鳥亦知行不得  
行人那向夜郎西

初抵貴陽

皇州策馬向春暉忽訝殊方歲月非一雨新涼生貴竹  
行人今日換征衣秋天瘴減雲仍暗鄉國程遙夢欲稀  
記取蠻中風景別亂山無數鷓鴣飛



秋錦山房集卷四  
古堞紆迴帶晚潮山城七月暑全消臨江浣女無紅粉  
近市居人雜紫苗絕域幾聞重譯至洗兵已是十年遙  
昆明別隊來何數躍馬彎弧日射鵰

黔陽雜詩

久抱離羣歎西南記土風軒牕來峒雨巷陌掩秋蓬濯  
錦蠻絲豔燒畚野燎紅此邦人境別清絕古黔中  
卉服仍苗俗星羅種落存羈縻聊復爾畊鑿且須論邊  
日秋難見蠻烟晝亦昏承平諸父老猶解說安坤  
憶昨偏隅小西師幾歲譁降王猶有殿飛將竟無家猿  
掛吟搖竹鷓啼淚染花興亡渾過眼搔首一長嗟  
分野通參外雲霞到海孺丹砂羅鬼穴恣梳鐵谿船嶺  
自遮鴻路商能到虎邊醉來吾問我何事亦荒天

孔雀

翩翩三青鳥生長在山根毛羽昔豐滿寡識恣飛翻一  
遭時俗賞羅致來林園屏開或扇舉都護呼當軒觀者  
共怡悅物性悲籬籓文采多自戕養晦乃長存魏使遠  
求索越人方珥門鳳鳥久不至丹止始稱尊青牛去流  
沙萬世師遺言

紅葉

樹樹霜枝帶晚烟斜陽相映入愁邊參差烏柏悲秦女  
容易桃花誤楚船江上正宜闕濯錦曲中未許共哀蟬  
故山簷角三年別辜負垞南泝北天



送魏樸菴之金陵

嚴裝中夜攬吳鉤  
客舍踈鐙黯別愁  
蠻水一條君獨返  
楚程何限昔同游  
鷓鴣聲斷殘年雪  
鸚鵡涼生落葉洲  
夢裏江天無遠近  
相思先過武昌樓

鄉關不問問吳關  
訪古寧辭一水艱  
楚尾江連揚子渡  
春前人到秣陵山  
臙脂不用尋智井  
桃葉何妨字小鬟  
想得落花飛絮日  
岱宗蒼翠待君還

題陳明卿四時山居圖

圖為康公徵君作有徵君題詠及董文敏跋尾中丞

公所藏也

客携山居圖  
萬里投南荒  
朝來雙眼豁  
喜見余山莊  
余山渺鄉國  
何爲墮我傍  
乃知圖畫理  
精妙通微茫  
明卿

輞川儔擅此筆力  
蒼蜀紙五丈餘  
點染何周詳  
始作小坡陀  
數樹臨芳塘  
池草澹初綠  
谿流聞暗香  
籬舍眼中失  
紅霧相遮藏  
樵客指桃花  
遙遙認前岡  
扣舷者誰子  
容與春水航  
劃然翠屏開  
夏木交千章  
松垂朝暮陰  
蕉覆東西廂  
幽人種茶處  
風緩齊作槍  
地遠盪櫛稀  
趺坐焚都梁  
如聞膝上琴  
餘音滿滄浪  
少焉山雨至  
颯沓迴風檣  
烟水忽無際  
尺幅詎可量  
米家潑墨山  
模糊落中央  
坐惜九峰晦  
忽覩秋容涼  
沙際見紅葉  
始驚昨夜霜  
野亭逼葭菼  
一徑穿踈篁  
尤工繪遠勢  
漠漠清川長  
浴鳧與飛鷺  
十百自迴翔  
梅華發歲晏  
數株纔出墻  
復見石橋側  
萬樹紛低昂  
凍鳥啄寒瓚  
微霰霑枯楊  
吟客埽



不去彷彿十指僵靜理信盤礴止壑開堂皇如何俯仰  
間物態殊不常陰晴改江色暝旭分嵐光涼暑及冬春  
意象爭毫芒似有元氣入真宰相扶將想其落筆時觀  
者皆言良文歟跋紙尾徵君爲裝潢圖隙自題詠欹斜  
不作行具言山居樂天籟殊宮商撫讀感今昔掩卷爲  
徬徨憶在隆萬中四海娛畊桑華亭盛才傑衮衮翰墨  
場文敏旣高步徵君惟頡頏早歲謝軒冕結宅茲山陽  
脫手走龍蛇蠻貊矜綈囊一從陵谷改卷軸嗟淪亡何  
幸此遺墨不隨劫火殃几案足瀟灑疑在蓴鱸鄉美名  
雖代謝終古留芬芳中丞賞識精永翫珍金箱二美旣  
合并三絕垂無疆毋令光出篋神物須隄防

賦得夢裏還家不當歸

故園寒色枕邊生天末歸人一夕行江上依然殘葉候  
燈前真慰倚閭情聽來鄉語猶堪辨憶趁吳帆不記程  
明月休將閨思遠翻教相失楚王城

微雪用子瞻聚星堂韻

南枝歲晚猶餘葉昨夜青青初覆雪荒城人語悄不聞  
姬隅苦水飛鳥絕紫苗劚炭徑尺餘坐對銅槃紅屢折  
牕風蕭蕭穿四壁燭釵如星耿欲滅臘盡殊方又一年  
靜數韶華如電掣請君試看官閣西小梅已復花如纈  
手中蘭尊莫暫放一任寒空吹玉屑吳綿翠衾那作暖  
家山入夢不暇瞥捲簾遙郭淨千岑眼前清景誰能說



初陽欲出光離離又見前峰露青鐵

酬曹升階中翰

我攀垂楊別帝畿雜花生樹鶻鷓飛舍人新詩三日讀  
羣公置酒情依依春風催渡黃河水扣舷輟櫂何能已  
洞庭張帆武陵泊楚國青山幾千里君家中丞愛止壑  
探奇日有登臨作已得清吟共惠連更從天際懷康樂  
舍人念我情不踈一紙傳將京邸書光芒百丈出几案  
中有錦字千璠璣辰龍巉岉落筆墨飛雲蒼翠沾衣裾  
坐嘯金華脚不到宛若萬里同巾車君不見龍標詩句  
蠻王識夜郎醜酒祠太白留題往蹟已成塵盛名千載  
猶堪憶羊鼓蘆笙不耐聞青鞵踏遍轉離羣但得瑤華

長見訊未妨蠻府作參軍

壬子元日

雲陰高下見青山喜聽江鴻次第還朝郭千家明赤帖  
春場三日走烏蠻松枝雨歇牕逾靜梅墅香生客對閒  
歲事埽除清興發吟成欲寄五湖間

渠止奇石

奇石大者徑寸小或不及質本光綴流  
水則有紋浮起圖畫天然中丞以四石  
見示名而詠之見此邦恬熙  
為政不擾得寄情瑣細焉

二月山間路紅茵不用携春風吹更落片片出前谿  
落花

巖

稠疊烟嵐沒參差練影高只愁綈几濕堅坐看風濤  
連山望不極飄斷斜陽樹車蓋爾何心朝朝復莫莫  
浪雪片一



雲

鄉樹最相思谿山別來久明滅見楓林秋光落吾手霜葉

蠻中元夕鐙詞

春前春後雨浪浪今夜清輝稍出墻社叟翻然妬明月  
早催簫鼓上鐙場

篔簹幡影淨無埃百技何人妙剪裁隔坐橫飛光一線  
當牕忽見水簾開

青門角抵更何有湘南紫姑亦不迎蠻兒自愛采茶曲  
夜夜燒燈陌上行

二月一日用香山韻

晴暉淡濛濛蜂蝶村村出獨坐數春陽三分今少一妙  
理閱楞嚴參同悟儒術但解識浮漚何煩釵釧律繁華  
皆影事山水亦痼疾至人貴無營小年惜此日雨歇更  
風多紛紛笑箕畢山花急須開莫待殷七七

夢尋白下舊游

二月晴絲影半簾踏莎人去鞦韆痕織夢中亦妒青谿蝶  
閒趁桃花入鏡奩

暮春絕句

乳燕雛鶯何太遲遣春無計一簾垂松谿茗葉迦陵卷  
習靜從銷十二支

籬外殘花無數紅酒旗不定曉來風行人又報前村葉



青過山南第幾叢

春日遣緒

到堦飛瀑卷簾山勝處何須著屐攀江岸鉤輶移晚樹  
春游瓔珞見風鬟浮雲過嶺渾無跡野水穿田竟不還  
更乞年光須少駐落紅如雪槿籬間

雲影莎烟忽有無清沅一髮繞墻隅柳低江館逢寒食  
潮趁斜陽上綠蕪歷歷行人談靄翠匆匆野鳥避香鑪  
時有籌時自有橫戈者且盡鄰家雪色酤

買僮

鵠面看來似蠻音聽總殊鳥偏嗔託佛託佛猶言曬翅也蠻地多雨見  
之則魚只喚奴隅為客肩囊稱還家種樹需聊將杜陵

比阿段亦蠻奴

春盡

孤坐白雲岸空香來翠屏春風愁裏盡谷鳥飲邊聽靜  
綠遙當檻斜陽不滿庭巖花解人意片片落新醺

天末催韶序風前首重回吾家五湖曲花墅幾番開蠶  
女行桑柘谿航載筍梅只今歸屐晚猿鶴定相猜

寒食後兩得鄭文谿手書知沈武功蔡竹濤相繼  
下世二子皆少年以詩豪未竟而歿折嗟悼累

日遙哭之

鯉魚緘恨入牂牁折柳聞鶯不柰何死別音書連日至  
今年涕淚一春多更誰錦瑟彈同調已矣青山約再過



宿草東風千萬里，炙雞深愧尚蹉跎。

雀相見行

維南有蒼蔚，託根在山陁。下枝烏所依，上枝雀來營。烏生八九子，引隊喧柴荆。丈人正安坐，剥啄意所憎。彈射豈予好，埽除理則應。山頭白日墮，烏雀詎分明。猿掛來童奴，兩枝同見傾。雀飛紛所投，失侶各悲鳴。顧見誰家屋，重關列崢嶸。中有一嘉樹，葉葉敷春榮。主人何藹藹，孳乳多歡聲。朝飛雀子來，銜泥刷其翎。暮飛來雀母，哺子翩相迎。小鳥爾何知，懷哉欣合并。於焉感物理，三嘆臨前楹。

乳虎行

蠻人居在虎穴邊，不施札柵依山巔。全家慣見習虎徑，虎不到處人安眠。蠻人走險如平野，一生不買昆明馬。密箐獠田約隊來，臂弩潛行亂峰下。虎子無知亦遭縛，赤欄遮取來叢薄。山麋野狝走相避，已有猩風吹四郭。或言是物難久留，便當手格爲良謀。健兒聞此寂不語，羽林無媒空好武。手摩良弓三嘆息，未肯區區射乳虎。

錦雞

楚南錦雞天下無，五采鈎攢光陸離。背作蜂黃或蛾綠，珊瑚翡翠翎參差。携來飲啄花陰匿，初亦畏人旋自適。何妨野客換高價，愛此鮮新好顏色。小閣紅屏夜不寒，偶然物色近雕闌。不知亦有深山裏，照影清谿惜羽翰。



黔陽雜詠

翠屏深處女墻幽別有年光銷客愁春帖剪殘又三五  
更須摒擋串燈游

荻蒼松扉曉柿傳半春愁說火連綿山城不用逢寒食  
晴過三朝便禁烟

翦翦東風二月催蜀南邛北盡紅埃馬鞭草名青過奢香  
驛嬰髻花翎作隊來

梅子坪邊無數松黃泥墅口細苔封郎心卻比仙源草  
那得春晴只向儂異草出仙源陰則西向晴則東向

蕊盃新樣百花鑄蘭麴清于谷口泉鳥爪如霜君莫訝  
生來不用五銖錢

雨絲作底濕儂衣油柞櫻桃片片飛雪白吳鹽捲青箬  
馬王祠下趁墟歸

蹀躞紫騮嘶綠蕪爲郎沿月剪青芻天明更欲向何許  
啼殺門前山鷓鴣

畚火連山望未消誰家油壁晚相要瘴鄉十月如春色  
細柳青青葛鏡橋

清江如帶碧灣灣江上女兒吹葉還何得郎歌解儂意  
朝來分臂小銅環

窄徑穿沙妾住西黃絲煙月最堪迷春泥滑滑愁郎馬  
花信風前聽竹雞

丹砂空駐好顏色菖蒲作花亦未逢記取閣鴉西畔水



不教飛去可憐蟲  
行人何事憶江南  
姹女臨風曲最諳  
簪得緬釵驕翠羽  
携將蠻錦笑吳蠶

夏夕涼甚致書親舊

風細流螢上玉鉤  
酒闌香炷迴添愁  
桐陰楚簟將殘月  
枕底王孫已報秋  
黔陽四月已多促織聲  
山接諸蠻雲過檻  
夢回遙夕水明樓  
離情付與沅江鯉  
菡萏花時到越州

雨夜

石船名峰深樹走雷聲  
雲氣江天歷亂行  
一片遠村煙外失  
半峰斜月雨邊生  
簾開楚竹聞香艾  
風墮山花入短檠  
漸識中年心力減  
不眠當暑亦三更

讀曹中丞題子瞻集後詩因和

男兒墮地無所爲  
旅食翻然愧梁肉  
越鳥驚心歸計遲  
江花過眼韶光速  
地偏幕府幸清閒  
對理琴尊罷馳逐  
豈有文章酬大雅  
喜無禮法拘流俗  
看寫霜縑付小胥  
肯使蠹魚生敝簾  
南宮墨本秘三朝  
時購得米老墨蹟  
玉局吟篇珍百幅  
晴牕灑筆作長句  
怪來腕底煙雲蹴  
清如湘瑟曉臨江  
秀比蛾眉雪銷蜀  
就中歷歷寫髯公  
似惜當年多話曲  
三語青蒲載簡編  
兩番貝錦緣臣僕  
意氣猶傳夕召時  
便殿無聲淚相續  
枕椰白鶴等閒看  
嶺表風流宛在目  
蕭然種芋酒百觴  
絕愛和陶詩一束  
布襪今經十載游  
青山屢拜公祠屋  
始知作者貴不朽  
往往浮



雲視華轂上殿終須作梁棟建牙自可馴蠻觸中丞風  
藻古今同寸心猶向前賢服遠從碧海掣鯨鯢瓦釜班  
班笑青竹我亦科頭百事無展卷風前瞻仰肅勝流遺  
蹟滿人間烏榜魚刀往來熟明年醞酒弔黃州朗吟更  
洗愁千斛

竟夕不寐覽鏡見白髮感嘆成詠

去年六月時行李辰州發荒崖正苦炎游子脚不韞筍  
輿窄稱身未明穿翠樾日高尚穩睡意頗忘疲茶今年  
六月時從容枕簟設蠻江十日雨涼似三秋節擁衾翻  
不眠坐待朝陽豁起看明鏡裏昨夜白吾髮始知蒲柳  
姿冉冉不可遏蚤衰何足道回首感歲月學道詎云晚

毋使修名闕

寄鈍翁

六一買田嗟晚就步兵把酒愛生前先生經歲不再出  
始信還家非偶然林屋遠香通橘社上方踈翠濕茶煙  
明年准擬楓橋泊肯借山齋十日眠

貴陽山中雜興

衆峰如涌潮城孤若小艇客居倚青峭佳處要須領朝  
靄淡益秀流泉響逾靜屋頂得初霽階前落山影塵心  
夙所祛百事浮雲等惟應讀我書銷此佳日永  
山閣多晚陰斷崖橫瘦樹闌風江上來冷然脆巾屨青  
藤不須携前崗延旅竚遠疇引晴綠勢與谿山互帕女



汲泉歸墟童荷鋤去苗俗古難馴時平亦有務丹砂白  
鑿間我輒當少住

有水復有山豈云非佳勝昨來橋上眠臨流俯涓靚玉  
峽束江腰紅欄竹間映山礬落不埽一夜沒樵徑忽破  
水禽棲僧坊數聲磬

楚南雖僻壤山甘亦時有勻圓訝未齊市販穿城久批  
杷吳廝養來禽齊下走玉井笑沉瓜冰盤啗雪藕寧以  
瘠產殊所累給升斗高齋青紫繁吾當及時剖

經年謝櫛髮累月罷整冠地偏好事稀了不妨清閒翠  
尾掠簷隙粉眉啼樹間幽芳不知名落英點苔斑我本  
嗜泉石愛此殊人寰舉眼見雲壑支枕羅烟巒誰能捐

粉本他日畫中看

病起書懷

蠻土亦清嘉高眠閱歲華水邊無艇子城外有山家綠

葉荷將飯

見柳州詩

紅翎雀護砂

近歲紅崖民見紅雀覆處發其石得巨砂

閉門

幽事足閒殺冶游車

方書常在手久矣罷逢迎豈有驚人句空慚太瘦生寒

蕪經雨碧涼蝶較春輕輸與南鄰叟忘機事耦畊

高林風易得几席點紅芳石髮掩秋逕蘿烟生畫房過

頭筇竹穩破臂竺書香只此排間日天涯歲未央

百感何由遣蒼茫野眺時鷺拳秋水岸鴉影夕陽枝往

事樵能語新寒客易知鄉書如可寄爲報鬢將絲



舍北多支徑蕭疎引興賒野鷗窺菰筍秋鳥怪梨花中  
黎花七月再開 箐屋層層見江流淅淅斜武陵寧勝此只少種

桑麻

地偏風候別晴雨日相兼  
竿渡通厓稅杉檣到蜀鹽  
壤紅雙寺小空翠幾峰尖  
何得垂鞭去烟中問夕帘  
林光開玉峽朝夕女垣東  
楚盡多無竹江清上有楓  
磬傳黃葉外心寂繡簾中  
社燕頻來往浮生未轉蓬

往事

楊花楊葉渺愁予往事迢迢入夢初  
可柰聞箏更聞雨酒醒江館一鐙踈  
睡起曾聞喚小鬟棧香濃炷綠窓  
間近來最怕當牕坐

不見雙蛾見遠山

八月十五夜同曹又魯

不辭移席就深談冉冉清輝望未堪  
圓向天涯二十九予自庚戌五月去家也 眼穿鄉路五千三  
尊前魯果來青社石上蠻花照翠潭  
底憶藕絲菱葉好片帆如雪夢江南

江上

偶拋書卷問滄浪秋好何妨是異鄉  
人到水亭衣共淥雨殘花嶼屐猶香  
前山杳杳微聞磬遠樹依依未著霜  
安得更綠江莢去醉斜青箬話漁莊

尊開江閣不知眠倚杖明河正悄然  
湘竹自寒秋浦外嶺雲斜去寺鐘邊  
烟村十里通州榜漁火三更入渚田



得似年時遊賞地水紅無際拂船舷

寄畊客

牂牁秋綠晚萋萋五十郵亭到越谿不敢更嗟鄉國遠  
有人還在萬峰西

滇花滇鳥足徘徊氍毹桐絲次第裁怪爾秋衣點香雪

江梅一歲幾回開

弟前札云客滇未二載梅花已三度開矣

瘴鄉同住不同游望遠應添白髮愁客舍又看新稻壠

猿聲遙接古梁州

昨日纔題嶺南札

時伯兄客嶺南

經年不寄宛溫詩煙江一帶

愁無那却夢長干夜雨時

十月三日奉同中丞公作

上冬三日浮雲低預愁玆冥爲凜淒野風吹雲落城西

少焉霧捲開迴堤初日焰焰生丹梯山花無名紅滿蹊

鷓鴣青翠當牕啼娟娟蜂蝶如春畦殊鄉物候何不齊

客子矯首思攀躋怪峰咫尺下有谿裏糧好作雲門齋

隱囊吟卷雙童携山家酒幔垂虹霓醉來石壁紛留題

不爾刺促愁羈棲坐見雨雪花成泥愧殺鄰翁行杖藜

無題

零落風懷杜牧之薤書鈿盒話前期片帆人約江南岸

深巷花橫雨後枝巾拂小茵彈玉局茗香纖手鬪青瓷

夢中不記輕分袂猶是盈盈十五時

摘錄林處士詩一幅配以倪迂畫並貯錦囊賦一



絕

水清山遠幾人識  
淺拂輕吟柰爾何  
畫到雲林真欲絕  
詩如和靖不須多

奉贈曹中丞

祭戟臨規外巖城傍  
斗邊阮隄長  
至律歌管夜郎天  
卿月台階麗蘭臺  
法宿專形弓方有錫蓬矢  
不須縣得侍芙蓉幕  
相過玳瑁筵  
珠轡寒整肅青翅曉  
澄鮮野客無投贈  
明公恕小篇  
憶曾瞻嶽里從昔盛才賢  
甲族貽清笏飛騰自妙年  
平津鷓閣迴宅相鳳池沿  
世廟親儒際延英拜手前  
賜衣金粟尺分食紫茸  
檀視草鑿坡靜徵才講幄偏  
書教緡定武硯許拭于闐  
便殿清平曲

連車琬琰編從容  
香拂袖數顧日移磚  
忽簡輶軒採翻勞侍從  
員左官才子恨鉤黨  
異時堅粉水初迴舫  
巨門待著鞭雙幡雄岳牧  
一載最旬宣玉腕嘶仍返  
嚶鳴聽屢遷升庸二事陟  
求舊幾人先章服裁舒雁  
朝簪敕附蟬東臺親甄表  
北寺緩刑牋聖代神人格  
春卿翊贊全明禋昭儼恪  
元老秩山川璧指離宮應  
芒收翼軫躔朱陵探往牒  
蒼水揖羣仙重譯暹羅使  
稱藩鴨綠船自公頻卻餽  
柔遠飭加籩禮樂班何忝  
聲名世已延曲江嚴論秀  
國士入陶甄六典周官重  
三台晉葉聯履聲天際出  
啓事玉京傳絕徼紆皇顧  
長才借秉銓宗功期遠大  
宸極語纏綿別苑龍媒控  
兼金御帑捐杯分



仙掌露厨給大官錢舊識恩波渥新看寵數駢旌麾辭  
畫省節制擬中權沙柳晴三月星輶路幾千諸峰青社  
引結駟長卿還里第携春入王程不宿遄參橫移小隊  
林黑戒輕篋候騎明鐙侍津師錦纜牽匆匆過楚苑歷  
歷沂河堧行部人爭識棠陰樹宛然嚴關驅九折竿棧  
指層巔笛裏聞棲鵲雲中出跼鳶由來殷夙夜詎肯惜  
迤邐箐甸開鈴閣清沅映綵綬千屯驥裊集四牡鸛鷺  
寘負弩秋原隘臨風大纛寒壺漿看雜遝竹馬笑便儂  
參野烏蠻潤牂牁象郡連往時煩櫛沐此地滿戈鋌列  
雉禁魚鑰重門疊錦韉襟流雙峽鎖恃險一夫緣靄翠  
祠鄰蜀奢香驛控滇專征遲解甲何歲不鳴弦干羽懷

柔至元戎凱奏旋五谿收馬援別將得梅銷羅旄兵初  
罷安楊俗未俊桑麻踈井里墟市少漁佃野蕨生黎摘  
樵蘇怕女寨保釐持大體次第起荒孱約束徵無外羈  
縻陋已前刀畊田畷喜官權水衡蠲往哲流風遠貞珉  
隔代鐫冠裳存越絕伏臘儼星椽文教先縫掖春陽及  
市廛編氓初挾纊商旅漸摩肩自爾人安宅因之吏益  
虔麗譙烽不舉豐稔歲無愆夕照村旗簇花時社舞穿  
渝歌翻木葉陌絮點鞦韆冊府功誰比鈞衡望有焉吾  
生慙蹇劣久矣謝飛騫薄俗紛相訝浮名始自憐何期  
迴鑒藻深與辨蘭荃墮憤能容懶論文或廢眠藏書分  
甲乙暇日領丹鉛蠟屐綠堤柳移茵就沼蓮雅音操白



雪藝圃得芳妍從事吟難答參軍語乍便香依荀令好  
筆愛米生顛留客非山鷓歸思豈杜鵑更傾公秫酒未  
扣武陵舷及此陪游賞相將聽篴絃佳辰雲冉冉隔坐  
月娟娟子舍參差望江鄉十七圓翎原棲掖樹慈壺上  
宮鈿蓬鳥鸞應下明河草正芊經綸資啓沃霖雨切郊  
埏姹女貽勾漏黃精餉僮佺且酬丹闕志莫憶汝陽  
田致治須元弼清時自勉旃黑頭寬書錦畫壁倚凌烟  
汗簡芸臺秩新聲樂府填期公東閣上杖策更投燕

題宋人詩後

三唐已渺典型在儼若金石萬古垂有明晚葉吁可怪  
棄厥根本尋其枝小兒開口笑宋詩豈知良工意慘淡

能事不貴師籛籬江南僕射最清越坐我曉峽聽參差  
自餘西崑鬪纖冶掩抑百味誰能訾孤山先生野鶴姿  
北有鉅野王元之一顧埽絕粉與脂揄揚真仁得歐九  
詞源駛穩開漣漪蘇梅有才宦不達正可犄角歡同時  
或弄水石去官後或製錦字西南尺梅古而澹蘇磊砢  
二公標許非人知循其涯者南陽維餘子不足當挺蠹  
是時子瞻出峨眉脫轡千里難爲羈豫章對樹中原旗  
以我壁壘當神奇同宮異響臆所取宛止雞肋皆予師  
後山唵榻未可哂一字不肯前人隨臨川淮海且高束  
太欠跌宕猶矜持當年碁布十數公更愛丹稜兼具茨  
自從赤羽限天塹太乙獨照江之陞翻然詞筆走光怪



不與王氣相摧移尤揚范陸接衽出排壓半壁聲名馳  
世於游也無間然石湖特妙田家詞新安夫子謝雕刻  
乃是四始元音遺宣獻石屏各佳手病翁冰雪無點疵  
甌江秀色可攬結四靈窈窕揚風規布衣而工知者誰  
富春灘頭歌且悲短竹欲碎愁軍諮遺編一束山鬼泣  
百年棄擲輕蛛絲嗚呼往哲秋雲高愧從井底論妍媸  
少小只解弄柔翰鼓柁欲涉無津涯藏書萬卷發未半  
劫火到處寧吾私擬拋生事訪遺帙手欲繕輯力已疲  
今晨何晨夕何夕夜光明月紛纍纍錦幙香襲且歸矣  
茲事定可千秋期作詩聊寄耳食者蚍蜉撼樹將奚爲

欲雪

貴陽粉堞束翠嶂吾扉正對城隅開嶺梅紅近雪欲壓  
江草綠邊春未來琴牀寂歷見雲影香椀縮澁生銅埃  
歲闌人靜有如此一日清吟須數迴

春前一日放歌

黔陽臘盡三日雪明日立春今日晴雪泥不放紅埃生  
行春太守導兩旌穉子結束來東城粉香畫屨飄琮瑋  
錦幡四角綴珠璣脫手百戲摩空行北里擲笛南鄰箏  
春來春去定如許那用歲歲喧相迎吾聞此制出中古  
車旗鞞轂被以青春官捧圭揖農祥天下東作皆有營  
又聞連舟賽鉤強止上切於義無取非常經後人踵此習  
游冶風俗慣見難爲更大江以南財賦地半菽不飽愁



矜彛歲時肯惜買歌舞中人之產一笑傾未如牂牁隔  
天末鳥道十載銷欃槍漸看估客隸丁戶喜見峒叟談  
昇平荷鋤梯田半苗犴紅紫近化為楚傖潭谿繡絲織  
如雨斗米雪色雙銖輕即今問閭敦揖讓娛戲了不妨  
農畊有客相邀看春事騎兒攔陌遮旗亭歡場潦倒意  
亦得肩隨入市懶不能倚墻小兒作紅豆童子埽葉添  
茶鐺春暉浩蕩不予棄臥看簷端初日明

歲暮用崆峒韻

瘴鄉人與故鄉隔昨日雨連今日風殘臘再逢參井外  
遠春先入翠微中怪來芳草寒猶綠祇覺青天近可通  
為客晝閒貪就枕夢隨江水過吳宮

年來新句錦箋紛姓氏殊方不願聞遠道緘書經歲得  
近城簫鼓一川分沅水貫城而出偶窺竹屋惟青鳥閒拂楓牕  
有白雲敢向天涯嗟物換舊游江左半離羣是月接伯兄書好友

物故者  
七人矣

石上紅埃几上生女蘿遮檻谷泉鳴山光未許游人返  
柳色懸知病婦驚芳意入春猶黯澹旅懷如霧不分明  
吾冠本是芙蓉製笑謝滄浪嬾濯纓  
舊林風物最堪思吳叟紅蓮吳越女絲見說畊桑憂水  
旱至今消息尚然疑呼童洗盞泉初熟避客焚香箔故  
垂記取明年纜歸權蠶湖新柳定參差

癸丑元日



霽景蠻雲曉浮蹤絕徼仍三年慈母字昨夜短檠燈農  
事行將及春歸且未能山中無曆好免使客愁增

送曹又魯從白下歸青齊

三載別江南怪聞人說江南路今朝把酒瘴煙中那復  
迢迢送君去楚潮寫鏡柳絲斜楚女褰帘低暮花離情  
春色併愁絕直與江水無津涯紅欄解艫焚香坐蒲筍  
侵洲鶯語破秣陵風物正宜人上巳清明且須過聞君  
捨檝期春晚鄉心更欲登車返麥餲杏粥泥家林青社  
棗花垂纂纂竝馬他年記綠蕪華峰劈嶺望中孤請看  
肆壁僧牕上醉墨如鴉今有無

風急

燈市春筵已陳跡野橋寒食又青莎東風忽到古墻下  
一樹櫻桃石上多

久雨乍晴春色漸佳偶呈開府公

朝來朶几白團扇昨夜踈燈紅玉缸不負花時頻中酒  
無邊山影恰當牕沿隄祇少沙棠竝覓壘將飛翠羽雙  
開府清吟意不淺楚辭芳草徧春江

母字至黔有述

吾生昧干祿學書竟貧賤亦知躬畊樂荷鋤手先顛以  
此謝索處落拓去鄉縣坐使白髮親歲歲勞筆硯細字  
如鍼芒識母身好健子職負已深母慈不責譴豈不念  
倚閭韶序速驚雷尚悲失怙早全家閱世變黽勉奉師



友典質到釵鈿軋軋婢停杼熒熒燈照卷此意久蹉跎  
懷寶空自炫今年母六十辰良惟歲宴歸歟拜嘉慶其  
敢後冰霰附書兄與弟竝製綵衣袷草堂春酒熟寒蔬  
青可薦但賡束皙詩不類茅容膳母自先君子見母能背長齋至今  
許偕隱微軀復何羨

信筆

女郎花開山店遠酒闌人別春鳩鳴艇子徘徊十年事  
夜來煙水夢中生

題幸蜀圖

掩塵黃帕哀琵琶延秋門上烏啞啞侍臣趨朝漏未息  
豈知輦道吹秦沙蛾眉絕影清渭水太子始控飛龍駟

手揮紅甘祀香魄尚有生荔來天涯三銀船本少年事  
臣個進酒君王嗟倚毫寫此圖者誰伯駒好手今猶誇  
山根潺湲碧無底閣道蝓屈梯穿霞法仗細瑣不暇整  
從官觸熱歛烏紗就中緩轡意態殊三郎捉鞭非翠華  
金盆皇孫不可認疑是羽葆風迴遮宮人軍裝或雁次  
或稍前卻載以車明駟夾道臥石罅奚奴避日攀槎柯  
長鞦短鞵掛一髮高者螳附低旋蝸此皆左髀印風字  
尾側赭汗流三花不使蹴踏漁陽兒首俛耳帖何爲耶  
峽畔無人峽田綠懸流淙淙水滿畚薄雲千里帶村角  
忽轉細徑踈籬斜似聞子規響深壑何有雪羽相籠笈  
白頭父老出不意親見萬乘臨山家當年馳驛寫嘉陵



化爲飛燼隨黃麻蜀山嵌空說王宰詎有真蹟留涪巴  
即今皴染漸剥落松煤不復濃于鴉昔人畫此意有託  
眼明且愛煙巒賒黔南開府擅珍賞更束縹帶緘紅牙

觀畫

天桃臨風開幾株主人命客當前除鈿屏輝輝日卓午  
偶出畫筭爲清娛一卷乃是宣和初瀛洲人豪一十八  
有勅趣使松年圖僕馬雜立垂楊邊水石齒齒明芙蓉  
一人攬帶鬚鬚須五人傍亞坐立殊餅尊狼藉飲者九  
各得飲趣非形模錦茵伶工坐一隅阮咸方響箏簫竽  
竹色翠潤沾衣裾攀枝儼然二客俱最後醕酌雙童扶  
圖成賜宴保和殿璽文御札珍瓊琚下列侍宴臣某某

太師臣京跋尾書當年嗜好關治亂今日看畫猶欷歔  
再觀數軸疲應接長江絕奇名則無忽疑天傾翻絹素  
衆水一夕東南趨樹遙村斷劇指點况乃檣艇兼鳧魚  
肆翁裝褫誠哉艱壞絲化蝶愁須臾仲圭小幅師巨公  
雲木掩瀕秋煙踈石田坡嶺蒼鐵如足笑贗本多臨摹  
雙桐先生寫髯叟月下索酒紅襟姝摩抄一一辨印識  
出自天籟良非虛眼中神物易凋散非公好古誰能儲  
日移花暝歸侍史此樂千春安足逾

社日雨憶鄉中歲事

楚燕幾時至坡林已罷然遙看峽中雨去灑郭西田却  
憶江吳俗村深掠社錢土風今莫問農父淚三年

去鄉三歲



聞水旱螟  
蟲相繼

插籬和中丞口號

繞堦香草綠生煙  
暇日分畦竹乍編  
更倚輕茵把殘帙  
斜陽正在小桃邊

蠻府蕭閒此一時  
風流付與後人知  
東軒自寫淵明句

小立墻陰看插籬

中丞嘗寫悠然見  
南山句扁其軒

花朝戲作

我本汗漫人  
七載向羈旅  
作詩紀山水  
亦頗及時序  
一春一花朝  
花事堪歷數  
憶昔留維揚  
打艤船紅橋  
渚是日花稍稍  
香氣撲游女  
客邀市樓飲  
醉眼閱歌舞  
東風吹不覺  
一枕熟當午  
更思蕭后園  
寂寞山間廡  
偶訪

破寺僧佛火沸雪醺  
其時不見花凍鴟啄寒圃度關仲

春杪始見數花吐  
兩載客京師己酉巾鞞共佳侶將迎

避裘馬闌入故侯野  
蓓蕾尚藏英天涼衆芳阻別有閨

花朝庚戌千枝石城塢  
亞屋更遮籬川禽飛媚嫵雖然太

爛熳亦未作紅雨  
華豔有常期次第悉可譜蠻俗吁可

怪由來別風土不可較  
幽燕亦不類吳楚上元櫻趁晴

人日柳垂縷桃李各匆匆  
爭妍開嶺嶼詎煩殷七七絕

倒宋單父未社已闌刪  
誰能待百五今辰復何辰佳名

竟奚補翻然花向盡  
採掇笑仰俯客子歷寒暄節物驚

屢撫賴此春狡獪勸我杯  
數舉九十日園林花須續爲

主終知付陳跡幽意關  
領取著屐繞千迴相看奈何汝



牽連述風景瑣屑待嘲詡回首歲寒枝青青恰當戶

鸚鵡嘆

李子託爲鳥言以自嘲也

珍禽產南偏乘風落高枝客齋所馴三光采堪相持前  
年賦孔雀去年賦錦雞祗緣客意嬾不題鸚鵡詩鸚鵡  
善調笑向我忽致詞予豈矜能言所惜在羽儀妄將比  
猩猩禮經蒙見譏獨有禰生筆相憐不復疑至今芳洲  
上碧草尚萋萋玉環宮殿中翠袖相提携戢影既不獲  
詎辭珠戶棲況忝君鄉里本自隴西來顧無隻字贈毋  
乃二禽嗤古今盛詞客翰墨各有司得志或清廟洋洋  
被朱絲或當寫鏡歌壯士挾策隨亦有不得志美刺關  
興衰當時防觝觸後世餘風薇而君子其間惘惘安所

施九齡語驚人年大寡聞知山水待刻畫花鳥供妍媸  
何當終見絕請君行自思禽言發深省憮然增嘆咨未  
能焚筆硯聊此鳴吾私

二月十五夜

煙峯晚來靚春月圓相媚庭樹乍抽綠纖纖陰滿地林  
鷗還其巢池魚噉澄翠低空祗片雲驚颺颯然至茗香  
不暇啜急電侵衣袂雨劇秋濤小軒如艇繫咫尺竟  
蒼茫杳矣江湖思少焉景色開雨收風亦細清輝在西  
崦踈星掛三四冥心觀物態喧寂等一視拂我枕與簟  
萬事無如睡

彈琴值分虎自滇中寄詩云約束琴書好歸去莫



今又過菊花時因感舊游

經旬不洗硯數月不解錦囊琴忽見楊花入古奩始知  
門外青春深春風吹愁千里復萬里媚如游絲不能禁  
班鳩啼桑日豔豔翠藤搖壁峰陰陰抱琴起彈青竹林  
琴雖不工寫余心何來隴鳥銜書墮有弟遙傳斷腸句  
停琴便擬束歸裝忽記當年學琴處我方弱冠弟始婚  
半完翁居半邏村弟之婦翁吾父事爲予埽徑羅芳尊  
坐中吳叟髮垂雪琴理時時向余說叟本蘇臺人託響  
獨清越噉激爲音笑蜀師吟撓細碎啞吾浙雙鬟傳鑰  
開池亭酒闌月出琴始橫叟以意授寂不語我如槁木  
屏息聽小弟聰明吾手生明日操縵皆成聲十餘年間

叟旣死吾輩崎嶇非故情梅花谿頭蔡玉砧北平山人  
韓石畊韓生凋謝蔡生老三入調絕如廣陵今日一彈  
再鼓手指澁仰視浮雲心戢戢市坊殘譜半脫壞強以  
宮商論出入人生失意易早衰年少風流那可追錢家  
園子春如昔尚憶花間烏帽欹琴罷詩來翻一笑輕裝  
待汝菊開時

上巳和中丞

攬策雲陂滑不妨昔耶吹屋雨痕蒼一觴一詠又今日  
三月三年非故鄉谷口花殘紅釀酒林間蜂老蜜生房  
莫因癸丑追陳跡終古蘭亭祗夕陽

方巨山上巳詩禊帖再逢今癸丑

晴絲倦鳥傳佳句

中丞原唱一聯晴絲亂比殘宵几淨  
夢倦鳥驚同久住人子極賞嘆



和金山房集卷四  
三五  
甌香遣病身，禊飲暗驚前。度客袂衣催試二分春，依然  
芳草思公子，只有楊花似遠人。料得他時紀風物，最難  
忘是楚江濱。

次韻酬中丞題灌園圖

我無遺世想，全家住林麓。自非麈麈姿，棲託豈云足。寫  
之密理絹，以慰遠游目。旅僕笑愆期，一卷手頻掬。公詩  
若春風，活此畫中木。永懷古石隱，良史或見錄。行製水  
田衣，敢望雜組束。先世本非農，墜茨媿村屋。何用解吾  
嘲，風人美邁軸。

聞斯年兄從嶺南歸營草堂於長水東邨相見當  
在今臘先有此寄

旅翮風萍十載餘，吾兄先返故園居。已看流輩驕裘馬，  
剩有浮生事錢鉏。稚子候門歸定好，小人爲圃意何如。  
三荆指點渾無恙，正使長貧莫暫疏。才名小草欲何依，靜者  
比鄰亦未稀。自有橐駝諳畚鍤，可須花樹乞蕭韋。先人止墓  
清川接別墅，春亭遑跡非被褐。豈應談世事，與君真息漢陰  
機。吾里秦時號長水，一谿踈竹靜人煙。笳管獨載爲佳耳，  
巾帽相過或有焉。避俗且吟招隱作，枕書先憶對牀眠。  
何時細擘江魚膾，看婢炊厨說往年。

屬雲書卷蠹香殘，遺墨王郎小室安。  
兄所居有屬雲閣王百穀書額破  
產他時三逕盡，移居今日一椽難。籬侵碌磽分斜壠，門



對藤蕪見別灘椰子龍茵携得否應知斷手臘將闌  
兄酬弟勸吾家事隨意春風老瓦盆但使姓名依保社  
未妨樵牧欵柴門翠藤深處閒通約紅芰開時曲抱村  
解得南陔詩可續向來飛動更何論

飲黔中茶

物貢九州別嗇此或豐彼人言蠻土惡蠻俗自稱美葑  
葉產荒坡傾筐新可喜熱我楯間爐注之山半水微波  
蟹眼疾入盞魚鱗上乍投只數片載沉還載起忽作暝  
霞遮雪碗失清泚味可贖霍州色或類普洱羽經列思  
播名亦掛人齒土黔茶亦黔夫豈山靈使尺中不習法  
火攻敗其理有稱酪奴者咎歸采茶子

九友詩

天末寡諧追念疇昔倚燭作詩  
燭盡數之得九章未竟吾友也

豎子學韓歐千縑如一織標榜出井里寸心昧所得矯  
矯白田生嗜古別朱墨文有粟菽味拙目了不識

江都  
王築

夫  
巖

載筆謝生產御車兩書傭叩門析疑義毫髮必見攻舉  
世便所習嗟子獨匆匆昨者日知錄寄我楚南峰

崑山  
顧寧

十五冠切雲二十綰僧紵三十著初服屠釣與游處灑  
墨嶽蓮上載婦將軍府色取聖所尤狂士乃吾與

番禺  
屈翁

均  
山大

陳生獵齊梁春葩富駢偶腕追庾蘭成心折李延壽吾



家伯與季睥睨無敵手何時埽案板壁上觀擊掎陽羨陳其

年維

慈仁縮酒夜海棠照春卮灌園枉佳詠換我鶴亭詩君

書掣霜鶻勢挾剡藤飛我書鴉歷亂至今愁見啣華陰王山

史弘

鐵石在眉宇此老重然諾小技涉丹青韻語亦蕭泊聞

君有令弟未婚歷五嶽此事古人無豈獨向平作歷陽戴務

孝本

空同詩學杜為文擬兩漢君愛鄉耆舊一讀浩三歎墳

史別真偽開口如決埠近客武昌城兀首感聚散關中家天

篤生因

相國之諸孫點也在空谷巖翠落破牖妻子護花竹作

畫守家法不博市上粟長言結鄰近耦畊吾願足長洲文與

點也

掉臂長安游晚乃得潘子論詩朱徐間老健獨無比返

友赤橋櫬高義激人齒立身憂患餘腸熱固其理吳江潘次

耒耕

汪舍人蛟門見寄賀新涼詞走筆奉報兼訊喬沈

曹諸公

夏雲垂垂著檐瓦捲箔斜陽雙樹下舍人封題纔尺一

山鵲繞籬書入室水紋魚子譜新涼一字定可三縑償

烏蠻五月初作暑玉雪置我几中央長安軟紅拂面起



落筆清新乃如此花間不特詩之餘元取諧聲兼妙理  
秦七黃九如雲煙後身今在紫薇邊宣武南頭赤欄好  
逞者示我錦囊篇短檠焰落衆賓退抱書作枕容醉眠  
小儒繫腰無寸組世所訛笑君不然辛亥清明記離別  
燕姬洗盞調涼雪城陰狹巷花照人車下柳綿香覆轍  
羣公交蓋各盡卮未昏散策東西馳沈侯贈行句隔歲  
始到盤江陞汶陽見懷作騎兒捧至神爲怡夫君高吟  
獨不見鄰女琵琶夢中硯此舍人近事今日開函還一笑徑  
須畫壁尋歌扇生無才技甘隱淪祇擬緣江垂釣緡在  
於季也何足數逞逞相逢情義真若見諸公出此紙更  
訊維揚喬舍人

聞程職方除桂林守遙送此詩

除日昨過湘沅灘我從幕府得借觀職方姓字青雲端  
聞綰郡符趨始安計日朝簪辭上闈昔典制誥垂不刊  
一笑舊價留金鑿通城出祖綺與紈酒前爲壽車盤蹠  
遠者折柳臨河干賤子忝邀夙昔歡思欲奮飛無羽翰  
炎風六月沙作團廣市琢冰以爲餐飛鳥晝息百草乾  
駟馬上襄雨流繁音盤僕夫前驅朱兩轡料應畫檝思江  
湍船牕如煙碧玉瀾篷底忽出千林巒絳襦仙人謁中  
單使君到日爛堆盤十年鄉樹今再看西望桂峰與龍  
蟠折腰候吏闐郵桓親從嘖嘖羨且嘆結綬過家人所  
難使君揺手命彼倌不見父老提壺簞日夕望我蘇凋



殘徑携襪被裝輕鞍道詢疾苦心力殫顏公往蹟蒼山  
寒鈷鋤作記清于蘭誰其嗣者今郎官南亭梅花十畝  
寬翠羽合用明珠彈政成嘯詠敬巾冠更請灑墨鑄嶼  
岬

魏元襲舍人話閩中舊游以不及過武尼為恨慰

以二絕

螺女煙輕履底流雪峰蘆峽是前遊迢迢使節催人處  
不見崇安九曲秋

建蘭抹麗嶺西分小立斜陽寫練裙舍人擅書法花路筍輿  
香不斷荀郎三日未如君

馬金囊

佳種清堪副知從越睽生方書聞久驗旅篋貯還輕豈  
菘將持比檳榔訝得名羅槃間人呼檳榔為馬金囊也封題歸餉客先  
遣一詩成

題謝楊兩先生詩後各一首

翠阜紅巖使節通信陽風格到蠶叢廣文官冷牂牁遠  
寂寞當時謝雪鴻謝廣文三秀字君采明萬曆間人詩宗大復有雪鴻集

楊家司馬輞川流詩筆清蒼畫與儔野衲亦知遺跡在  
佛香深掩竹窓秋山中有龍友先生讀書處寺僧守焉

杜宇

生涯汗漫且遲歸高枕江亭滿翠微杜宇似憐游子在  
三年不向郭門飛



早秋即事

卷簾朝暮隔清溪欲賦新愁又嬾題斜日正當高柳外  
落花多在曲欄西相將買笑惟棋局

予奕最下故云

屏當看山

有杖藜若向城東望秋草沅江何處不萋萋

寂歷空邨見晚鴉迴風頻使帽簷斜涼雲不度全低樹  
旅客將歸始憶家菑苜已飄沙際水茱萸催製峽中茶  
遙思小隱滄洲畔載酒何人採石華

數枝清供續餘鉞幽意相關笑獨醒承旨煙林生尺幅  
點蒼秋掩劃雙屏籠開鷗羽凌波見牕對蘭叢向晚扃  
白髮有人談往事不辭拄頰與深聽

橫琴一曲感無端隱隱城亭漏向殘遙夜夢隨三楚濶

故人書到五谿難平蕪月出灘逾響閒院風多葉乍寒  
鄉路黃花相待否擬乘輕舸下江干

述懷奉同中丞公用秦少游海康書事韻分得十

韻之五

仙都不可見下界分九州涉世如登山捷足居上頭  
屢斲爲薪漢書掛之牛輪彼棄繻子談笑覓通侯

靜女有令姿含情爲誰許春葩已向秋團扇欲辭暑  
本無珠翠粧蹇修棄如土攬珮以行游江淮河漢汝

守衷以違俗操術誠區區平生鉏菜耦亦有華子魚  
彼爲天際鵠我作林間狙暗投古所戒敢云明月珠

三苗別風壤同儕竟何有緝葉爲上衣鏢弩出女手漏



天低咫尺風箔捲蒼狗卻顧兩童奴絮語商客久  
慈母所縫絲今已解襞績鄉信幾時來借問江干客生  
兒不爲農那免租稅迫西疇倘可營明當事棲息

貴陽重建王文成公祠敬賦

真儒不易覲理學多空談何人秉絕業荷此不朽三先  
生起東越氣與星辰參大勲垂信史蠻貊猶能諳在昔  
明中葉國事方如燠帝閭多浮雲領下未可採諫書朝  
以入夕詔投煙嵐天心其有屬吾道當西南

百粵與西江烽煙一劔掃德修謗所集功大忌寧少予  
奪笑當年是非何草草尚思遷謫時良知見懷抱片語  
卻車幣冠裳折屣獠遂使中華風一洗蠶叢道衰鳳何

足嘆神龍潛亦好古來食肉者榮名若秋潦

憶昔萬曆中爲祠枕煙綠百戰閱蒼涼楓杉凋敗屋僧

鐘庶下鳴碑亭土花簇盛衰理或然百年見私淑興時

值右文臨軒軫荒服前代有賢臣殷勤天語屬即今廟

貌新載闢荆榛隩大業在昇平曠言追往躅

中丞陸辭  
日上以

文成爲諭郡祠再  
建中丞實主之

題止柯村畫冊

籍籍元四家筆墨在人口其二乃吾鄉仲圭與子久紛  
紜百年來畫家多學黃此卷獨神似有若錐出囊柯村  
爲今處層巖映牕碧看畫復看山幽意生几席平生據  
舷慣不擬便還君又恐終飛去聊題寄白雲



利劍山房集卷四  
呂忝字以詩集屬分虎見寄有此贈

十齡學爲文十五愛結客破產擲秋煙瘞筆等山積二  
十羽陵蠹縹錦肆剝蝕三十塞上鴻秋南更春北天使  
爲散材甲第編葦荻被褐赴國門賢豪許相識五侯脚  
不到漫刺豈足惜挪揄路傍手謂此一何癖少小昧干  
謁蹶躄始歎息作書寄滇池有弟遠離隔吾行悔前修  
弟可鑒曩跡弟報書曰否此意詎可易不見山陰生嘯  
傲王公側蛾眉乞題詩虎旅待飛檄非無燕擁彗亦有  
趙儼席生視若敝屣倔强猶往昔斯言真起予良友何  
當覲好風從西來詩卷見風格停琴拭青玉紅燭再三  
剔怪君束筍中灼灼光燄逼玲瓏若珠丸鋒銳或刀戟

昆明一萬頃澎湃走胸臆詩定如其人蠡管試窺測夜  
郎多寓公前游記歷歷遠聞天寶竄近歎新都謫子無  
放逐憂徵聲乃淒激已矣誰能知悠悠笑通國賤子百  
無成升沈昧難笑向來飛動意束手就繩墨對君慷慨  
詞便欲語肝膈小弟約束還果否竝歸勒酒錢會傾囊  
吟醉過百驛

留別吳大身

亭枕秋江花亞檐因君三日更相淹曾經百戰新陵谷  
宛在中央舊孝廉論擬過秦留共賞史當求野闕無嫌  
勞人後夜

湘沅夢楚嶺愁他歷歷尖



義王宮妝樓今在官署中陳綠崖參藩置酒其上

即席賦

炎曦昔頽照太白鹵垂芒尺木祚云季截險非巨防安  
東節初指士馬何飛揚子陽不解事井底窺扶桑伏軾  
無左車義旗豈真王漼汜竟奚補耳餘亦分張翻然逐  
鹿者一旅終夜郎殘戮到原野戰地天蕭涼宮門未摧  
待即今賓突兀城中央行人行嘆息指點能具詳我來  
偶憑弔長嘯一慨慷如何使君署卻在妝樓傍石訶萬  
夫昇材信千車裝華棖間飛囊一一摩青蒼苔堦見綦  
履蔓草蕪明璫尚想棲息時燕雀方處堂垂翅涉交水  
降幡溯沅湘蛾眉豈得貯響屨餘空廊嗚呼十年間事

不關興亡特筆在春秋竊據誠不祥使君美風度環除  
種垂楊灑墨作檐額彈琴然妙香茲樓若增奇洗濯生  
輝光結搆豈殊昔今名乃千霜今夕煙景佳素侶紛携  
將明蟾正當檻社燕初辭梁芙蓉何灼灼零露沾衣裳  
碧石怨西子行雲疑楚王何用感遺址會須尋樂方詩  
成一笑粲不飲負此觴

龍里對酒示吳沅思

野壑橫開雙石梁草痕花片一谿香山間壘郭無完雉  
竹下當壚半女郎歷歷沙鷗眠渚白纖纖風蝶近衣黃  
長途最易生秋感勸爾離亭且盡觴

山行即事



和山房集卷四  
葉覆寒泉響雲荒石室扃林秋無剩綠履外有空青背  
嶺雙蕭寺殘陽一短亭向來投宿處漁火認前汀

黃絲竹枝

黔中女德不戒黃絲甚焉

溪後人家春種茶溪前板屋摘秋瓜東鄰酒旂花作繡  
西鄰自有女如花

龍從山下搗衣時竹雞聲中聞竹枝郎到門前折楊柳  
青絲不愛愛黃絲

陸齊雲

渡頭日出煙霏霏秋雲片片生我衣南鄰北鄰屋相壓  
山花水花風亂飛荷鋤已見了農事喚酒何當尋翠微  
不耐聞猿又東去空吟游子愴忘歸

蜡梅村

一鏡開鳧柵清流對葦門偶穿殘菊外別有蜡梅村  
掛翻沙壁樵歸出樹根眼中山水意清絕與誰論

平越城樓縱目因追往事

七盤坡上青烟濃黎峨落日明千松女墻欹仄異中土  
蛇折一綫隨山蹤行人散策郭門頂秋聲瑟瑟愁吳儂  
楚橋蜀笮衣衽接此地舊不輸蠻貊紹聖之際明堂開  
伶衣短後諸番從紹聖中龍氏等入見貧禮視交趾乃  
陋無飾乃假伶人之衣特殺牂牁未得稱附庸故事交趾得賜宴前殿獨牂  
牁諸番後殿見之蓋輕之也是

時田楊獨雄踞奄席思播為強宗明家宣慰號藩屏詎  
意肘腋生邊烽青蛇失險應龍死水西突騎紛來攻本



朝捍禦越前古乃有竊據稱王封興安臺榭已池沼雙馬

禮築宮今廢山魘苦竹吹荒墉百餘年間用兵處拔馬欲去

生悲風近聞父老望休息賽神里社喧春冬綰椎蠻女

解持鍤種花邑宰行勸農宜壤壘下靜秋柝玉華雲氣

開諸峰山川俯仰月東出揮手不謁張三丰城有三丰遺蹟

葛鏡橋土人葛鏡建遂名

朝陽不滿樹游子飯煙墟秋花宛初沐窈窕當我輿塵

襟一以散即目皆清娛靈境信難測已險分斯須熒熒

衣袂間麻江灑為珠潺湲瀉中坎戍嶂垂兩岬欹石趾

相枕勢欲臨虛無稍見葛鏡橋虹置當長渠級齒對織

整石闌亦層紆勞筋翻喜息覽眺寬憂虞我聞昔輿梁

王政亦有初鏡也爾何人名與茲橋俱苟能濟蒼生何

必非匹夫

重游飛雲巖歌同分虎作

我從玉峽趨東坡雨不滑道秋雲曇勝游指點在眉睫

呼僮夙戒須停驂前年過此不成詠攬袂欲陟先懷慚

石橋义手眩蒼翠朝陽為我開晴嵐始知山靈絕解事

似逢好友心能諳守崖巨栢列四五削鐵上與青霄參

苔階絲縈掛蒼杪風裳颯颯牽蕭藍華陰仙掌古誰坼

飛來一片窈以覃東西石勢各狡獪偃仰彷彿忽神靈含

或杖偶擲作龍子或几而化如彪彪彎環真訝一夫窄

破碎亦怯千人擔下闕陰洞不可到松門左折通秋龕



倚欄卻顧所穿壁中鐫跌坐衣垂籃袈裟溜乳散花雨  
梳螺束髻斂春蠶香爐名峰如簪插鏡背二峰明滅相爲

三其餘煙靄亦環匝邾莒瑣屑難具探眼前敗事無俗  
物況復有弟資清談吾生忍負幾兩屐尾酒莫惜三杯

婪

在樂天詩婪藍古通用

側聞今人盛游賞大河以北江之南茲

巖何爲置荒僻有奇不售寧所甘酒闌發墨寫狂句興

至且復從予耽丹崖翠壑應笑客那不此地棲茅菴日

斜携手下山去更聽鐘魚窺月潭

巖下月潭寺

### 自鎮遠發

十日愛山行三朝息徒御顧此風色佳安得久淹住乘  
船越飛虹石角儼踞數折途飄忽荒城背人去巉岵

束四面前津莽煙霧蕩槩信清流境盡始識路巒疆劃  
天險千峰水東注碧玉湛中央盡此舟楫趣俄然灘就  
卑駛絕不可岸齒鬪銛鏗破碎劇牴牾偉哉篙師力  
一罇驚屢赴閃若珠走盤如苴脫狡兔合眼失焦谿煙  
巒竟非故臨深古所戒况與風濤遇寸心無五嶽于此  
免憂懼

### 望大小錦屏峰

楚山今日佳百丈開屏風二錦爲鴛鴦雲霞出其中面  
江如削成鐵壁吹蒙茸層層見根杪烏柏松杉楓是時  
葉始霜返照紛青紅下波作明鏡餘姿漾澄空斂染鬼  
師絕圖畫難爲工隔谿稍衍伏遠疊西南峰敗屋枕巖



利金山文集卷四  
四十六  
際蒼煙遮數重村女冠樵笠估客操漁筒仙源倘咫尺  
明信或可通何當結三間長辭行役蹤

九惱灘

欹枕星欲稀荒樓止宵柝鼓柁凌煙晨濛濛水霧作百  
泉走一隘跳珠滿山脚石觸水逾怒勢敵不少卻長年  
指江腹僅可通畧徇北帆片片來相避成小泊客船上  
灘遲昂首向寥廓我舟類驚鵠歛忽空中落青山坐笑  
人佳處不暇索晚渡已心驚朝行有餘愕始知昨所歷  
諸險未云惡

觀音灘

觀音灘下極清冷秋事蕭疎得未經岸曲轉篙峰故壓

水喧侵客語難聽藤花十丈垂垂赤石髮三層歷歷青  
一向葦間逢釣叟頓令人世抵浮萍

思州

江接思州郭天低見岸平鳥啣松子下僧避水簾行玉  
洞紛秋色黃蘆有暮聲眼中山盡好惆悵不知名

舟過平溪順流騁目憶往歲取陸路南行山水依  
然頓殊勞逸倚醉有作

一峰瞰江環斧鑿溪風北來日西落舊游不辨沽酒處  
但記垂鞭向林薄當時曾羨下灘舟背人兩槳蜻蜓掠  
今朝真作鏡中行扣舷不飲非人情楚地青山皆兩岸  
楚船一日已三程



巴洲

晚鴉飛盡鷓鴣啼九曲清川咫尺迷心愛巴洲巴字水  
相逢別是楚雲西  
枉渚秋香生綠蘋風來谷口尚如春柴門一簇芙蓉裏  
鶯鴨紛紛不見人

晃州瀑布

飛雪下晃州沙喧急擢留望中三疊好沾處一巖秋閃  
爍斜陽氣空明白石樓在山清可愛何事亦東流

放花鴨

花鴨好身背彩翠相鈎攢有客買見遺云結平生歡樊  
籠已三宿刺促思澄澗日晃艤我舟作雙戲河干何人

繫其足欲行苦蹒跚蠻奴前致詞明當薦君盤顧視慘  
不樂茲意非酸寒高門厭鼎肉風詩譏素餐况僕本恨  
人對箸恆三歎緬惟太常齋稍獲心所安微物有本性  
詎忍便摧殘叱奴解其縛宛頸隨清湍幸免校人伺亮  
無竹弓彈武陵有雞犬待爾白雲間忘機狎仙客庶得  
展羽翰行矣勿迷津世路方艱難

由白茅洞溯烏鬼灘秋水漸落下見溪石峻凌水  
際宛若花瓣

細雨斜風送客情臨流坐愛縠紋生不知清淺橫塘路  
舟在蓮花石上行

沅州



沅芷思公子芳洲此再過秋聲江店晚估語石梁多外郭  
長橋作市所集直北山低黛無邊葉映波避人雙翠羽的的上

莎羅

漸過五溪路鄉思殊未央帆輕東下水日淡曉來霜野  
竹依沙翠秋秔入七香百年戎馬地寂歷響漁榔

黔陽廢縣

半巖蕭寺枕秋苔兩度聞鐘客去來蠻水滙溪皆北注  
楚山分險忽中開心憐內史澄江句夢遠青苔下若杯  
笑爾沙禽不出谷更無人識濟川才

銅安

銅安溪水碧於醅換柁三朝瀑練催去艇驚同辭繳鳥

晴沙忽響下灘雷青楓葉底新農屋白板橋南舊戍臺  
指點西征花草岸長年猶記受降回

雨中

吳綃潑墨記誰工不辨烟中與霧中粉本向人翻一笑  
朝來真見米南宮

沅陵再泊阻雨聞鄰船歌江南水調

水郵遲到晚延緣指點雲沙似昔年幡影東西三寺塔  
柴門高下五溪煙摘蔬小婦臨官渡避餌驚魚上客船  
此際愁聞廣陵曲鄉心真繞大江邊

自白龍崖趨瀘溪述所見

絕壁何嶙峋側翠倚江岸雲水一相映清輝朝屢換石



非五丁鑿嵌空乃百變如梭了可擲似月魄始半或擊  
壺口缺或迸錦絲斷漏日宛通中障樹若無畔勢絕飛  
鳥窺祇應山鬼竄蟻附定何由徑尺皮細棧牕楯亦具  
設敗綆澀餘鍊縱橫百里內仰視目爲眩其故不可測  
揮手付夢幻長年話悽愴此地飽經亂萬騎走空村居  
人息樵爨寥翹峽女泣袒跣溪童慣豈得顧里間猿掛  
垂一襟饑來摘山果渴飲汲幽澗生還亮無幾遺跡猶  
可歎尚想 時斯語非荒漫輒因俛仰駭聊復紀聞  
見 他日蜃樓見

古廟

百年遺廟俯江涯斜日楓根繫短舫了了紅衫歸現女

濛濛青壁飼神鴉溪流清比三湘色野岸秋開二月花  
莫訝瓣香隨楚俗布帆無恙好還家

贈山中人

白馬渡舍舟尋山徑數里道傍茅屋一老叟危坐與  
之語曰曾讀書不婚不試率兩奴子治田自給惟不  
善釀月一詣縣以餘粟及蔬果易酒未嘗乏也叩姓  
字不答蓋抱德而隱者

畦蔬活活果班班抱甕忘機牧犢鰓蓬首園丁解換酒  
赭泥墻子不遮山采芝堪笑綺園出荷耒何如沮溺閒  
辛苦鑿坏三十載肯傳名姓到人間

漁笑曲



楚人家近溪山邊一身生事兼漁畋昨夜霜清見江底  
伐竹爲梁竹齒齒明歲春流拍岸生小婦作膾炊煙青  
人在桃花水中住銀鱗上笑花落去

桃源

細雨散寒蕪斜陽耿踈樹十里不逢人歎乃凌江去  
竹裏見秋燈沙邊繫秋艫仙徑杳難尋棋聲出紅葉

與分虎舟中夜坐共話家園

灑陽諸峰葉初籜與子連檣別山郭溪行清悄不逢人  
鷗叢一燈照雙舶楚南風景天下奇符也一日能數詩  
阿兄才盡苦欲睡秋魚出釜愁空卮憶昔九齡十齡時  
汝髮未燥角兩岐大笑索果真凡兒但摘奇字相娛嬉

老親借隱方齊眉伯兄搖筆江河隨撒鹽柳絮鬪春雪  
一姊閨閣兼提携自從喪亂嗟百口陟岵歌殘對慈母  
雁行乞食如秋蓬南北東西無不有只今相值非朱顏  
夢中松菊催人還天生我輩爲樵漁生事終當十畝間  
武陵煙霞照江底人家茅屋秋雲裏甘言難違白髮人  
不然便爾携妻子兄書報予一月前秀攬兄以顏其亭已築  
東溪邊會須結屋作碁置更欲疆理躬畊田從來海內  
多知己過眼雲煙皆偶耳不見當年杜五郎垂老何曾  
見山水

秋錦山房集卷四終



卷之四

...

...

...

...

...





